

MANAPOROFO NY TENINY

 Ndao isika hanondrika ny lohantsika vetivety. Ray any Andanitra Malala, mankasitraka izahay fa eto izao hariva izao. Izahay, mankasitraka izahay fa fantatray fa eto miaraka aminay Ny Fanatrehanao. Mivavaka izahay ankehitriny mba Hikarakaranao ny tsirairay avy aminay, arak'izay ilainay. Mangataka an'izany amin'ny Anaran'i Jesosy izahay. Amena. (Afaka mipetraka ianareo.)

² Mahatsapa ho tsara mihitsy ny manana an'ireo fanamafisam-peo ireto mandeha. Tena nalahelo aho fa somary nanakorontana izany omaly, an'ilay Hafatra izay tiako ho azonareo tsara mihitsy.

³ Ary tiako ianareo hahazo antoka ny hahita an'izany. Izany dia ilay-ilay vatofantsika izay ananantsika. Tsy mifikitra amin'ny fiangonana iray isika. Mifikitra ao amin'i Kristy isika, hitanareo. Izy io Lâlana tokana io. Izy no toeram-piarovana tokana, ny toerana tokana izay hany nametrahan'Andriamanitra Ny Anarany. Ary Andriamanitra dia nilaza fa hihaona amin'ny olona ao amin'ny toerana izay Nofidiany hametrahana Ny Anarany Izy; tsy any amin'ny vavahady rehetra, fa ao amin'ny vavahady izay Nofidiany. Ary ao amin'io toerana io no Hihaonany amin'ny olona, ary ao irery ihany. Ary hitantsika fa Andriamanitra dia tsy nametraka Ny Anarany na aiza na aiza mihitsy afa-tsy tao amin'Ny Zanany, Jesosy Kristy, tahaka ny itondran'ny zanaka foana ny anaran'ny ray.

⁴ Ary ankehitriny dia hoy ianareo hoe, “Eny, inona no ampiharana an'izany amin'izao andro izao? Hoy ny tsirairay avy hoe, ‘Ao amin'i Jesosy aho.’”

⁵ Izy no Teny. Hoe, “Tamin’ny voalohany ny Teny, ary ny Teny tao amin'Andriamanitra, ary ny Teny dia Andriamanitra. Ny Teny dia tonga nofo ka nonina teo anivontsika.” Izao indray, voasoratra ao amin'ny Apokalypsy ny toko faha-19 ihany koa, rehefa nahita Azy tonga isika, ny Ampakarina sy Mpampakatra, ny Akanjony dia nilôna tao anatin'ny Rà, “Ny Anarany dia nantsoina hoe ‘Ny Tenin'Andriamanitra.’” Izy no Tenin'Andriamanitra.

⁶ Ary, izany dia hoe, Izy no ilay hery mamelobelona. Izy no ilay Fanahy Masina, ireo—ireo dynamika izay miditra ao amin'ireo mekanika, ireo Teny, izay manao Azy ho velona. Ary tsy maintsy miara-miasa izany rehetra izany, raha tsy izany dia tsy hety fotsiny ilay izy. Tsy maintsy maka ny Baiboly manontolo izany, ilay Kristy manontolo, ny Filazantsara feno.

⁷ Tiako ny hilaza, ny amin'io nasaina izay nojereko teo amin'ny televiziona io omaly hariva, teo am-pahafantarana

fa handeha izany, dia njery an'izany aho. Te-hanoro hevitra an'ireo rahalahy ireo aho, ireo izay teo amin'io nasaina io, toy ny sangan'assa iray an'ny famaliana fanontaniana mihitsy! Ary tena mpitsikera tsara iray mihitsy aho, fantatrareo, na ahoana na ahoana, saingy tsy nisy na inona na inona ho tsikeraina teo. Tena izy marina tokoa ilay izy, ary afaka hifanaraka amin'izany aho, zato isan-jato. [Mitehaka ny fiangonana—Mpand.] Misaotra anareo. Amena. Tena marina mihitsy ireo valiny. Nankasitrahako tokoa izany. Maniry fotsiny aho ny banana horonan-tsary iray mba haseho ao amin'ny fiangonako any an-trano. Tena tsara marina tokoa ilay izy.

⁸ Ary tena mankasitraka aho ny mahafantatra fa—fa Andriamanitra dia niasa tany amin'ireo faritra hafa, ankoatran'ny vondrantsika Pentekotista manokana, ka maka olona, ireo voan'Andriamanitra, izay nandry tany nandrity'reo taona rehetra ireo, niandry ny Hazavana hamiratra teo amin'izy ireo.

⁹ Ary manome antsika fampitandremana iray ihany koa izany, ry sakaiza, mba hahafantatra fa Jesosy dia nilaza hoe, “Rehefa nanomboka tonga mba hividy Solika ilay virijiny natory, dia tamin'izany no tonga ny Mpampakatra.” Noho izany dia afaka mahita isika amin’ny alàlan’izany, rehefa mahita ny Episkopaliana, Presbyterana, Metodista, Batista, Loterana, tonga hitady an'ilay Solika isika, amin'izay fotoana izay dia izany ilay ora izay nahatongavan'ny Mpampakatra. Aoka isika hahatsiaro an'izany.

¹⁰ Tsy mbola nahita an'i Billy mihitsy aho, ilay zanakolahy, nilaza karazan-javatra tamiko tahaka an'izay nolazainy fotoana vitsy lasa izay. Hoy izy hoe, “Dada, tsy miteny aminao an'izay hatao aho. Tsy mikasa hanery anao amin'inona na inona aho, saingy,” hoy izy, “dada, na inona na inona ataonao, dia atokano ho an'ireo olona marary ireo ny fotoanao rehetra.” Hoy izy hoe, “Tsy mbola nahita olona marary betsaka mihitsy aho!” Hoy izy, “Nizara karatra roanjato aho tao anatin'ny fotoana iray na roa fotsiny.” Hoy izy, “Misy olona marary betsaka eo!” Tena mahalana mihitsy izy no mba miteny amiko an'izany.

¹¹ Ary noho izany dia tonga aho izao hariva izao miaraka amin'ny naoty kely vitsivitsy voasoratra eto, ary hevitra vitsivitsy mikasika ny fitsarana ho avy, ary mahafantatra fa mipetraka eto isika izao hariva izao miaraka amin'ilay tena fahatezeran'Andriamanitra mihitsy mangotraka ao ambanintsika, ary tsy ho ela dia hamely azy izany. Ary mahafantatra fa miandry ny fahatezeran'Andriamanitra; amin'ilay fotoana izay hilazana azy mihitsy, dia ho tapitra izany, ho an'ireo an-tapirisany. Ary mahafantatra an'izany ao am-poko, ary mahafantatra fa izany ilay izy! Ary noho izany dia mahita marary maro be isika, manery sy misintona.

¹² Dia nieritreritra aho hoe, “Izao hariva izao, ny ankamaroan’izy ireo dia Kristiana.” Ary mamelà ahy hilaza an’ity, ianareo zanak’Andriamanitra. Na inona na inona ataonareo, dia avelao handeha ny zavatra hafa rehetra. Manompoa an’Andriamanitra, andro aman’alina, amin’ny fonareo rehetra. Ianareo, afaka mahatsapa ianareo fa misy zavatra tsy mety. Afaka miteny an’izany ianareo raha mandeha eny an-dàlambe, ianareo fotsiny...ary na aiza na aiza alehanareo. Mahafantatra ianareo, raha ara-panahy; ary fantattro fa izany ianareo.

¹³ Ary niresaka tamin’ny lehilahy iray aho, Rahalahy Stromei. Tsy fantattro na eto i Tony, na tsia. Izy, izy dia...[Hoy ny rahalahy iray hoe, “Tony Salameh ve?”—Mpand.] Tony Salameh, Salameh, Salameh? Tsia. Nanonona an’ilay Tony tsy izy aho. [Milaza zavatra ny rahalahy iray.] Tsia, ilay Tony tsy izy izany. Ity dia ilay Tony avy—avy—avy any Tucson. Iza no anarany? [Hoy ny olon-kafa iray hoe, “Stromei.”] Stromei! Fantattro fa i Salameh izany, Stromei, na anankiray. Izaho dia manana ny rehetra...

¹⁴ Tao amin’ny magazainy, indray andro, dia niditra ny lehilahy iray, tena nahagaga, nilaza zavatra iray izay nitondra fahatsiarovana tamiko indray izy, rehefa izaho...tamin’ny fotoana farany fony aho tany—tany Inde.

¹⁵ Izay, neveriko fa ny Tompo dia nanome anay vahoaka betsaka indrindra izay hany nanananay tamin’ny fotoana anankiray, dia tany Bombay. Tsy afaka nahita toerana akory aza izahay na taiza na taiza hametrahana azy ireo, olona an’arivony sy an’arivony.

¹⁶ Ary talohan’ny nahatongavanay tany mihitsy, dia nisy gazety iray voadika. Eny, izany dia, Inde dia firenena manana fiteny roa, izany dia—gazety Anglisy iray izany. Ary izao no voalaza, “Eny, tsy maintsy tapitra ireo horohorontany, manidina miverina mankany amin’ny akaniny ireo vorona.”

¹⁷ Andro vitsy talohan’ny nahatongavan’ilay horohorontany, dia namotika an’ireo fefy sy ny sisa izany. Mahita ny fialofana ho an’ny tenany any anatin’ny vato ireo vorona kely, ka manorina ny akaniny; ary amin’ny tolakandro na amin’ny mitataovovanana, rehefa tena mahamay ny masoandro, dia mitsangana manodidina an’ireo rindrim-bato ireo ny biby rehetra, mba ho ao amin’ny alokaloka. Ary nandritry ny roa andro, dia nijanona tany anaty hazo ireo vorona, tsy te-hiverina nankany amin’ny akaniny izy ireo; ary roa andro, ireo biby, ny ondry sy ny biby fiompy, tsy tonga izy ireo tamin’ny tolakandro, na nanatona an’ireo rindrina ireo. Izy ireo—nijanona tany antsaha izy ireo ary nifampiankinankina, mba hialokaloka.

¹⁸ Avy eo tampoka teo, horohorontany iray, izay nanozongozona an’ireo rindrina ka nandrava an’ireo tranobe.

Ary, hitanareo, raha tao ireo vorona kely ireo, dia ho levona izy ireo. Raha nitsangana tao ambanin'izany ny biby fiompy, sy ny ondry, dia ho levona izy ireo. Mampitandrina ny natiora Andriamanitra!

¹⁹ Andro vitsy lasa izay, tao amin'ny magazain-dRahalahy Tony, dia nihaino lehilahy iray aho tany izay nilaza... Rehefa niseho tany Alaska io horohorontany io, nanjono izy tao amin'izay antsoinay hoe Stony Point, tany Mexico. Dia hoy izy hoe, "Tsy nisakafo ny vorona, ary tsy nisakafo ny trondro. Nisy zavatra tsy nety tany. Ary, tampoka teo, dia vaky ny horohorontany."

²⁰ Ary indray andro, rehefa nitranga io anankiray io tany Inde, na taiza na taiza ilay izy, dia nilaza izy fa nanjono indray. Nieritreritra izy hoe, "Eny, hafahafa ilay izy. Tokony misakafo ireo trondro ireo amin'izao fotoana izao. Tsy misy alon-drano iray ao anaty rano, na aiza na aiza. Tena milamina mihitsy ny rano, fotoana tanteraka iray hisakafoanan'ny trondro, saingy tsy nisakafo izy ireo. Ary ireo vorona rehetra izay mivoaka eo mazàna, ireo voron-drano masina, izay maka an'ireo trondro ireo sy ny sisa, dia mandeha eny amin'ny morona daholo, mifampitampify. Tao anatin'ny fotoana fohy, ilay raotran-drano masina avy tao ambany dia nanomboka niakatra tahaka an'izao, nitranga nanerana ny faritra hafa an'ny tany ny horohorontany iray." Hitanareo, nahafantatra ireo trondro ireo fa nisy zavatra tsy nety, nisy zavatra vonona hitranga. Nahafantatra tahaka an'izany koa ireo vorona ireo.

²¹ Azo antoka tokoa, raha manome famantarana ho an'ny trondro iray sy vorona iray Andriamanitra, tsy mihoatra noho izany ve no Anomezany an'Ireo—Ireo zanany! Fantatsika fa eo amin'ny andro farany isika, ary miandry ny fitsarana, noho izany dia aoka isika ho tena hanaja. Mandosira mankany amin'Andriamanitra amin'ny fonareo rehetra! "O ry Kapernaomy, ianao izay nisandratra hatrany an-danitra, dia ho entina midina mankany amin'ny helo," ary androany dia mandry ao ambanin'ny lafiky ny rano izy. Tsarovy fotsiny, ary mivavaha.

²² Ankehitriny, izao hariva izao, dia tiako ny hamaky toerana iray eto ao amin'ny Soratra, mandritry ny fotoana fohy fotsiny. Hivavaka ho an'ny marary isika. Nilaza i Billy fa nizara andiana karatra fangataham-bavaka iray izy. Ary nizara vitsivitsy izy omaly, nefá tsy nahakarakara ny iray tamin'izy ireo mihitsy aho omaly hariva. Ary nanontany aho, rehefa tonga ny Fanahy Masina... Izany fotsiny dia... Tsy afaka manao Azy hiasa ianareo. Ilay izy fotsiny dia tahaka ny fanodinana kely iray, misintonia ny tenanareo ho fitaovana iray ianareo. Ianareo no ilay anankiray manao an'izany asan'ny Fanahy Masina izany, fa tsy izaho. Ianareo ihany no manao an'izany. Noho izany aho, omaly hariva, nahamarika aho fa na dia ao amin'ny famantarana

aza, dia tsy mety tsara tamin'ny olona mihitsy izany. Toy ny hoe tsy noraisin'izy ireo izany. Hitako izany, teto vao tsy ela, toa tahaka an'izany ilay izy, eo ho eo, raha vao niteny aho, nametra-tàhana teo amin'ny marary, mahafantatra izy ireo.

²³ Tokony ho fantatsika fa nomena antsika ao anatintsika, isika izay mino an'i Jesosy Kristy ka nateraky Ny Fanahiny ary feno an'io hery mamelembelona io, io hery izay ao anatinareo io. Amin'ny alàlan'ny fametrahan-tàhana, eo amin'ny hafa, tahaka ny nataon'ireo mpianatra sy nanerana ny taona, dia tena nanasitrana an'ilay marary tokoa Izany, nanangana ny maty, naneho fahitana Izany, faminaniana. Ary ilay tena Fanahy iray ihany mihitsy izay velona teo anivon'ireo apostoly voalohany dia velona ao amin'ny fiangonana androany, manao an'ireo zavatra iray ihany mihitsy. Ary haingana mihitsy araka ny ahafahantsika mahafantatra an'izany! Hitanareo, tsy mampaninona na impiry no iasan'izany, tsy maintsy mahafantatra an'izany ianareo ary mino an'izany. Tsy hahavita soa izany na kely aza, raha tsy mino an'izany ianareo. Fa amin'ny fotoana izay inoanareo an'izany, dia mifarana ireo olanareo. Marina izany.

²⁴ Ankehitriny dia ndao isika hamadika ao amin'ny Soratra. Nipetraka tao aho, fotoana vitsy lasa izay, nandray naoty Soratra vitsivitsy amboning, mba hanova ny lahateniko ho an'ny hariva. Ary tiako ny hamaky sasantsasany avy ao amin'ny Tenin'Andriamanitra, avy ao amin'ny Bokin'i Masindahy Lioka, ny toko faha-8, manomboka amin'ny andininy faha-40. Henoy ankehitriny, hamaky betsaka aho.

Ary izao no niseho, fa, rehefa tafaverina Jesosy, dia nandray azy tsara ny vahoaka: fa niandry azy izy rehetra.

²⁵ Tsy ho toetra tsara iray ho an'ny olona ve izany izao hariva izao?

Ary, indro, tonga ny lehilahy iray antsoina hoe Jairo, ary mpanapaka ny synagoga izy: ary niankohoka teo amin'ny tongotr'i Jesosy izy, ka niangavy azy mba hiditra ao an-tranony:

Satria nanana zanakavavy tokana izy, teo amin'ny roa ambin'ny folo taona teo, ary nandry teo am-pahafatesana izy. Fa raha nandeha izy dia nanety lâlana azy ny vahoaka.

Ary nisy vehivavy iray tratry ny fitsiha-drà roa ambin'ny folo taona, izay efa nandany ny fananany rehetra tamin'ny mpanao fanafody, nefà tsy afaka nanasitrana akory,

Nandeha nankao aoriany, ary nikasika ny sisin'ny lambany: dia nijanona teo no ho eo ny fitsiha-dràny.

Ary hoy Jesosy hoe, Iza no nikasika ahy? Rehefa nandà ny rehetra, dia hoy i Petera sy ireo izay niaraka taminy hoe, Mpampianatra, ny vahoaka betsaka manety lèlana anao ary manery anao, nefà hoy ianao hoe, Iza no nikasika ahy?

...Hoy Jesosy hoe, Nisy olona izay nikasika ahy: satria fantatroy fa nisy hery nivoaka avy tamiko.

Ary rehefa hitan'ilay vehivavy fa tsy niafina izy, dia nangovitra izy, ary niankohoka teo anatrehany, ka nanambara azy teo anatrehan'ny vahoaka rehetra izay antony nikasihany azy, sy izay nahasitranany teo no ho eo.

Dia hoy izy taminy, Anaka, mahereza tsara: ny finoanao no nanao anao ho sitrana; mandehana amimpadianana.

Ary izy raha mbola...niteny, dia tonga ny olona anankiray avy tany an-tranon'ilay mpanapaka ny synagoga, nanao taminy hoe, Maty ny zanakao vavy; aza manahirana ny Mpampianatra.

Fa rehefa nahare an'izany Jesosy, dia namaly azy izy, nanao hoe, Aza matahotra: minoa fotsiny ihany, dia ho sitrana izy.

Ary rehefa tonga tao an-trano izy, dia tsy nisy olona navelany niditra, afa-tsyo i Petera, ... Jakoba, ary Jaona, ary ny ray sy ny renin'ilay zazavavy.

Ary nitomany ny rehetra, ... nisaona azy: fa hoy izy hoe, Aza mitomany; tsy maty izy, fa matory.

Dia nihomehy azy fatratra izy ireo, nahafantatra fa efa maty izy.

Fa navoakany izy rehetra, ka noraisiny tamin'ny tanana izy, ary niantso an'ilay zazavavy, nanao hoe, Ry zazavavy, miarena.

Dia niverina indray ny fanahiny, ary nitsangana teo no ho eo izy: ary nandidy izy mba hanomezana sakafio azy.

Ary ireo raiamandreniny dia talanjona: fa izy nandrara azy ireo mba tsy hiteny amin'ny olona an'izay efa natao.

²⁶ Ndao isika hivavaka ankehitriny. Ray any An-danitra Malala, raha mamaky an'ity Teny ity izahay, dia fantatray fa marina izany. Nitrange io. Tsy tantaran'angano iray izany izay novakianay avy tao amin'ny gazety iray angamba na bokintantara foronina, fa io dia avy amin'ny Boky izay fantatray fa ny Tenin'Andriamanitra. Mino izahay fa nitrange izany. Mino izahay fa io Jesosy izay nanao an'io zavatra miavaka io, tranga

roa eto, an'ilay vehivavy niarakaka tamin'ny fitsiha-drà, ary ilay ankizy maty, mino izahay fa Izy no Zanak'Andriamanitra, hoe Andriamanitra no nanangana Azy tamin'ny maty ary naneho Azy taminay, izao hariva izao, ao amin'ny tenan'ny Fanahy Masina.

²⁷ Ary mino izahay fa eto Izy miaraka aminay izao hariva izao. Ary mino fa Izy no tsy miova omaly, anio, ary mandrakizay, mihitatra mankany amin'ny olona ny Fangorahany. Ary raha maninji-tànana mankany Aminy ny olona, ireo vokatra iray ihany izay nomena tamin'izany andro izany no homena amin'izao andro izao. Ekeo indray izany, Ray, mba ahafahanay hahazo hosotra vaovao iray. Araka ny nangatahan-dRahalahy Shakarian tena tamin-pahatsoram-po, vao teo, ka nangataka ny mpanatrika mba hino, no angatahanay indray amin'ny Anaran'i Jesosy Kristy. Amena.

²⁸ Te-hiresaka mandritry ny fotoana fohy fotsiny aho, ary ho fotoana fohy fotsiny izany, satria te-hiantso an'ireo olona miaraka amin'ny karatra fangataham-bavaka eto ireo aho ka hivavaka ho azy ireo. Ary hamela ny zavatra rehetra afa-tsny ny hivavaka ho an'ny marary fotsiny. Fa alohan'ny hivavahantsika ho an'ny marary, dia tsy maintsy hitondra ny olona ao amin'io toetra io isika. Izany no toetra izay mitondra an'ireo vokatra isan'andro. Izany no toetra izay entinareo mankeo amin'Andriamanitra.

²⁹ Misy vehivavy iray nikasika ny Lambany eto, sitrana izy, niarakaka tamin'ny fitsiha-drà. Miaramila iray no nandrora teo amin'ny Tavany ka nametraka satroboninahitra tsilo iray teo amin'ny Lohany, fa tsy nahatsapa hery izy.

³⁰ Ny fanatonanareo izany. Ilay toetra no ilain'izany. Ary izany ilay izy izao hariva izao, ry sakaiza malala, mila an'ilay toetra izany. Isika dia, ary mino fa isika dia, ao amin'ny Fanatrehan'i Jesosy Kristy, saingy ny toetranareo no mitondra an'ireo vokatra. Eto ireo mekanika, ary toy izany koa ireo dynamika. Raha afaka manomboka fotsiny ianareo, dia Andriamanitra no hanao ny sisà.

³¹ Ankehitriny, ity lohateny izay tiako ho resahaha ity, mandritry ny fotoana fohy, dia: *Manaporofo Ny Teniny*. Ankehitriny dia zavatra iray lehibe izany, ny mieritreritra an'izany: *Manaporofo Ny Teniny*.

³² Ankehitriny Andriamanitra dia afaka manaporofo Ny Teniny mihitsy, izao hariva izao, tahaka ny Nanaporofoiny an'Izany hatramin'izay. Ary ny Baiboly koa dia nilaza hoe, "Zahao toetra ny zavatra rehetra. Hazony mafy izay tsara."

³³ Ankehitriny ianareo dia efa nandre, tsy isalassalana, efa nandre an'ilay ohabolana fahiny hoe, "Porofoy izany, dia hino an'izany aho." Saingy toa tsy marina izany. Matetika aho no nahita zavatra maro izay tena voaporofo, voaporofo ara-tsiansa

tanteraka tokoa aza, kanefa dia tsy mino an'izany ny olona na ahoana na ahoana.

³⁴ Niresaka tamin'ny lehilahy iray aho, teto vao tsy ela akory izay. Niresaka mikasika ny fanasitranana avy amin'Andriamanitra izahay. Hoy izy hoe, "Tsy hino an'izany aho. Tsy ahoako izay niseho, porofo firy no azonao anehoana an'izany, mbola tsy mino an'izany foana aho." Eny, izany tokoa, tsy mampaninona izay hany hataonareo ho an'io lehilahy io, izy—very izy. Tsy mety mino izy. Tsy misy na inona na inona ao aminy, mba hinoana.

³⁵ Izaho dia vao avy nanana ny—ny fahatsapana kely teto, teo amin'ny herinandro lasa teo izay, araka ny fantatrareo fa izaho—mihaza aho. Ary rehefa niverina avy tany amin'ny favoriako aho, dia nihaza liona. Ary taorian'ny nifindrako tany Arizona, dia tsara ilay izy, tiako ny mihaza an'ireo haza goavana, ary tiako ny mandeha any anivon'ny natiora ka mandinika an'izany.

³⁶ Ankehitriny, tsy mpamono iray aho. Mihaza fotsiny aho. Noho izany, izaho—tsy tiako ny manimba haza, izaho—tsy mihevitra aho fa tsara izany. Heveriko fa tena fahotana mihitsy ny mamono haza, rehefa tsy ampiasainareo izy ary tsy hampiasainareo ho an'ny tanjona iray, tahaka ny mamono zavatra hafa. Mino aho fa ratsy izany. Tsy tokony hanao an'izany isika. Nomen'Andriamanitra antsika ho sakafo izany ary ho an'ireo tanjona, ka tsy tokony hanimba azy isika. Fa ankehitriny izay lazain'ny lalàna fa azonareo alaina, dia tsara daholo. Aza mandany azy fotsiny.

³⁷ Ary tany aho, tapitra ho an'ny zavatra hafa ilay vanimpotoana. Mamono biby fiompy betsaka ireo liona. Ary mahafantatra tompon'ny toeram-piompiana betsaka aho tany amin'ilay faritra. Ary isaky ny manao famonoana iray izy ireo, nahoana, dia miantso ahy, rehefa tonga eo anivon'ny ondry ny liona iray. Ny sakaizako anankiray, indray hariva, dia nahavery teo amin'ny dimanjato sy telo arivo dolara, tao anatin'ny alina anankiray, nohon'ny liona iray namono an'ireo zanak'ondry fotsiny. Niditra izy, ary, mazava ho azy, tsy maintsy handoa nohon'ny fahotany ny sisa amin'ireo liona. Ary noho izany dia azoko ilay liona, ary noho izany dia liona goavana be ilay izy, ary sivy dian-tongotra ny halavany, ary nilanja teo amin'ny roamahery teo, noho izany ilay izy dia—liona goavana tsara iray ilay izy.

³⁸ Ary avy eo dia nandeha tany amin'ny faritr'i Arizona aho, hatrany Utah, mba hihaza. Ary araka ny nolazaina tamiko hoe nisy olona tany, hoe ny lehilahy iray izay hiarahako mihaza, dia mpamandriky ny governemanta iray, "Ary, nohon'ny fahatsarana, dia aza manonona na inona na inona mikasika ny fivavahana, manodidina azy." Hoy izy, "Lehilahy iray masiaka marina tokoa izy."

³⁹ Dia hoy aho hoe, eny, niteny tamin'ilay lehilahy izay niarahako aho, hoy aho hoe, "Tsy hanonona an'izany aho."

⁴⁰ Hoy izy hoe, "Aza milaza hoe 'mpitory teny.' Raha milaza ianao, dia tsy afaka handeha hihaza intsony. Tsy handray anao izy." Hoy izy, "Nihaza niaraka taminy nandritry ny telo andro aho, ary natory niaraka taminy isan'alina, nihinana niaraka taminy isan'andro, fa tsy nilaza mihitsy akory aza izy hoe, 'Manao ahoana. Manao ahoana ianao? Mila zavatra ho hanina ve ianao? Sasao ny vilia.' Tsy misy na inona na inona!" Hoy izy, "Ankehitriny aza milaza na inona na inona mikasika an'izany fotsiny."

⁴¹ Hoy aho hoe, "Tsy hilaza teny iray aho." Noho izany dia tsy niteny taminy aho hoe tsy hivavaka, fa nanohy niteny taminy fotsiny aho fa izaho dia . . . Ary nivavaka aho.

⁴² Noho izany rehefa tonga tany izahay, ilay lehilahy dia tena olona sarotiny iray, ary tsy mihevitra aho fa mino zavatra iray izy. Ary vao avy nahavery zazakely iray izy hariva vitsy talohan'io, zazakely iray vao teraka dia maty. Noho izany, nandeha nihaza izahay. Ary tamin'ny andro faharoa, ilay lehilahy izay niarahako nihaza dia niteny taminy, nilaza fa handeha hihaza hatraiza hatraiza manerana an'ilay faritra aho. Noho izany rehefa ilay mpihaza hafa, izay niaraka tamiko, no lasa nandeha, dia teny amin'ny tampon'ireo tampony izahay; nanenjika liona iray fotsiny izahay, mandra-panaonay azy ho ao anatin'ireo vatolampy, fa lasa izy. Ary noho izany dia nipetraka teo izahay niandry an'ilay alika hiverina. Ary nilaza tamiko ity lehilahy ity, hoy izy hoe, "Ilay mpihaza hafa, sakaizanao, no miteny amiko fa mandeha mihaza hatraiza hatraiza ianao. Manam-bola betsaka ve ianao?" Hoy izy, "Ataoko fa tsy raharahako ilay izy."

⁴³ Dia hoy aho hoe, "Tsia," hoy aho, "ilay izy dia tsy vola betsaka." Hoy aho hoe, "Izaho—izaho dia misy manohana."

⁴⁴ Dia hoy izy hoe, "Oh, hitako." Hoy izy hoe, "Eny, ataoko fa tsy raharahako indray ilay izy, saingy," hoy izy, "miaraka amin'ny orin'asa iray izay manohana anao ve ianao?"

⁴⁵ Nisintona an'ilay izy hivoaka avy tamiko mihitsy izy. Nampanantena aho fa tsy hanao, hitanareo. Noho izany dia hoy aho hoe, hia, hoy aho hoe, "Tsia, tompoko. Mpitory teny iray aho, misionera iray."

Hoy izy hoe, "Inona iray?"

⁴⁶ Hoy aho hoe, "Misionera." Ary nitsangana fotsiny izy ka njery ahy nandritry ny minitra vitsy.

⁴⁷ Hoy aho hoe, "Manana fanantenana ny amin'ny Fiainana any ankoatra ve ianao? Inona ny fanantenanao?"

Hoy izy hoe, "Jack Mormon iray aho."

Dia hoy aho hoe, "Inona iray?"

Hoy izy hoe, “Jack Mormon iray.”

Hoy aho hoe, “Karazana inona izany?”

⁴⁸ Hoy izy, “Ilay anankiray izay mingoso sy misotro kafe, ary mifoka sigara.”

Hoy aho hoe, “Eny, ny fiaikena mahitsy fo iray dia tsara ho an’ny fanahy.”

⁴⁹ Ary avy eo dia hoy izy hoe—hoy izy hoe, “Te-hanontany zavatra aminao aho.” Hoy izy hoe, “Nilazana aho fa ny fiangonana Mormon no fiangonana tokana marina izay misy.” Hoy izy hoe, “Mino an’izany ve ianao?”

⁵⁰ Hoy aho hoe, “Rehefa mikasika ny fiangonana ilay izy, dia ataoko fa tsara tahaka ny rehetra amin’izy ireo izany. Fahamarinana anankiray ihany no fantatro, ary izany dia Jesosy Kristy.” Hoy aho hoe, “Fantatro fa Izzy no Marina.”

⁵¹ “Eny,” hoy izy, “nanana zazakely iray aho teraka indray hariva, vao teraka dia maty.” Hoy izy hoe, “Nilazana aho fa io zazakely io, satria vao teraka izy dia maty, dia tsy nitsoka fofon’aina tao anatiny mihitsy Andriamanitra, ka tsy hahita azy intsony indray aho.” Hoy izy hoe, “Inona no neverinao mikasika an’izany?”

⁵² “Eny,” hoy aho, “Tsy hahita ianao amin’ny maha-Jack Mormon iray, azo antoka fa tsy hahita ianao. Izany no zavatra anankiray azo antoka, tsy hahita azy ianao raha mbola mijanona ho Jack Mormon iray foana.” Dia hoy izy hoe... Eny, fa nanosika ahy izy, noho izany dia izaho indray no manosika azy kely fotsiny, hitanareo. Izahay dia nanana—nanana fotoana hifanosehana. Noho izany dia hoy izy hoe—hoy izy hoe... hoy aho hoe, “Inona ny olana?”

Hoy izy hoe, “Oh, tsy fantatro.” Dia hoy izy hoe, “Eny, inona no neverinao?”

Hoy aho hoe, “Mahafantatra tsara mahafinaritra maro aho...”

⁵³ Tsy fantatro fa Mormon iray izy. Ary izaho dia anankiray tena... Fantatro, satria tany Utah ilay izy, mety ho izany ilay izy, saingy izaho... satria ny ankamaroan’ny olona any dia Mormon, manodidina ny Salt Lake City. Ity dia tsy Salt Lake City, na izany aza. Noho izany dia nieritreritra aho hoe, “Eny, nanana sakaiza Mormon mahafinaritra vitsivitsy aho, izay tao amin’ireo laharam-bavaka, olona mahafinaritra.”

⁵⁴ Dia hoy aho hoe, “Nihaona tamin’ny lehilahy mahafinarittra vitsivitsy aho izay—izay Mormons.” Dia hoy izy hoe, eny, hoy izy hoe... Hoy aho hoe, “Tsy fantatro ny fampianaran’izy ireo eo amin’izany, ary tsy tiako ny hilaza zavatra mifanohitra amin’ny fampianaran’izy ireo, satria izany ianao, ary manaja betsaka an’izany aho.” Dia hoy aho hoe, “Eny, dia mino an’izany ve ianao?”

Hoy izy hoe, “Eny, tompoko, mino aho. Saingy,” hoy izy, “tsy miaina amin’izany aho.”

⁵⁵ Hoy aho hoe, “Eny, mino aho fa ny Baiboly dia mampianatra fa nahafantatra an’io zazakely io Andriamanitra, an-tapitriza taonany lasa izay, talohan’ny fanorenana an’izao tontolo izao.” Hoy aho hoe, “Niteny tamin’i Jeremia Andriamanitra hoe, ‘Talohan’ny hany notorotoronina tao an-kibon’ny reninao ianao, talohan’ny hany nivoahanao tao an-kibo, dia efa nahafantatra anao Aho, nanamasina anao, ary nanendry anao ho mpaminany iray an’ny firenena.’” Hoy aho hoe, “Tahaka an’izany no Nahafantarany mikasika azy, hitanao.”

Hoy izy hoe, “Eny,” hoy izy, “misaotra anao.”

⁵⁶ Nanomboka nandeha nidina an’ilay lohasaha izy. Ary avy eo dia nihaona tamin’io lehilahy hafa io izy, ka hoy izy hoe, “Nahoana ianao no tsy niteny tamiko fa mpitory teny iray io zalahy io?” Ary noho izany izahay... Niresaka taminy kely fotsiny izy ary nanomboka niteny taminy mikasika an’ireo favoriana.

⁵⁷ Ankehitriny, ireo Mormons dia mino ny faminaniana. Izaho tsy... mety tsy misy anankiray eto, fa izy ireo—fa izy ireo dia tena mino ny—ny faminaniana. Fa, noho izany, tsy mahatambava angamba aho, fa izaho... Hia. Hia. Fa, na izany aza, dia mino izy ireo.

⁵⁸ Dia nilaza izy, niverina nankeo amiko izy, nanao hoe, “Azoko fa mpaminany iray ianao.”

⁵⁹ Hoy aho hoe, “Tsia, tompoko.” Hoy aho hoe, “Izaho... Ny Tompo no naneho tamiko zavatra vitsivitsy hitranga.”

⁶⁰ Dia lasa izy, teo no ho eo, nanao hoe, “Ndao isika hiditra.” Dia niditra tao anatin’ny fiarany izy, ary nandeha nankao amin’ny... ny tanàna keliny izay avy nipetrahany. Afaka fotoana fohy, dia tsy hita izy. Nanomana an’ireo alika izahay, mba hanao haza iray hafa aorian’ny sakafo avy hatrany. Ary rehefa nanomana izahay, nahoana, dia lasa nandeha tao anatin’ny fiara iray izy.

⁶¹ Afaka fotoana fohy, dia niverina ny tovolahy iray tsara tarehy, teo amin’ny fito ambin’ny folo taona teo, lehilahy mihaja Kristiana toa tena masina iray. Hoy izy hoe, “Ity no rahalahiko.” Hoy izy, “Tsy Jack Mormon iray izy. Tena Mormon iray izy.”

Hoy aho hoe, “Manao ahoana ianao, anaka?”

⁶² Dia hoy izy hoe, “Azoko, fa ny rahalahiko no miteny amiko, hoe mpaminany iray ianao.”

⁶³ Hoy aho hoe, “Tsia, tompoko.” Hoy aho hoe, “Ilay izy tsy hoe mpaminany iray aho.” Hoy aho hoe, “Ny Tompo no naneho tamiko an’ireo zavatra hiseho.”

⁶⁴ Hoy izy hoe, “Manana tsindrona iray aho eto amin’ny sandriko izao ankehitriny izao, tokony ho eo amin’ny latabatra fandidiana aho.” Hoy izy hoe, “Fa ny rahalahiko no niteny tamiko an’izany. Dia hoy aho hoe, ‘Raha izany no izy, dia tsy mila an’ilay fandidiana aho.’” Nijery ahy nahitsy teo amin’ny maso izy, fijery iray mahitsy fo, mahatoky, tso-po, nanao hoe, “Apetraho eo amiko ny tànanao. Raha tahaka an’izany ireo zavatra ireo, dia tsy hila an’ilay fandidiana aho.” Nandeha nody salama izy.

⁶⁵ Io rahalahy io, sakaizako Kristiana, dia nihaza niaraka tamiko, hatrany Phoenix. Nilaza tamiko izy, hoy izy hoe... Mipetraka eto mihitsy ny sasany amin’ireo zazalahy ireo ankehitriny. Ny iray amin’izy ireo izay fantatro dia manatrika eto. Nandeha nody izahay. Hoy izy hoe, “Rahalahy Branham, raha nameho fahitana iray taminao ny Tompo ka mamela anao hiteny amin’ireo Mormons ireo an’izay hitranga, dia izany no hanao an’ilay izy, satria miandry an’izany izy ireo.”

⁶⁶ Noho izany, nivavaka aho ary nivavaka. Ary teo amin’ny lâlako niverina nody, tonga aho, ny Alatsinainy nanaraka, Alahady, teo amin’ny folo ora teo, nitsangana tao amin’ny efitra aho, taorian’ny fiangonana tamin’io maraina io, ary njery tany ivelany.

⁶⁷ Ary nahita jiro namiratra aho, na karazana hazavana namiratra iray. Ary nahita liona anankiray aho izay tao anatin’ny hazo iray, ary—ary kely loatra ilay izy mba hotifiriko. Tsy nilaiko izy. Ary nisy olon-kafa nitifitra azy, ka, rehefa nitifitra izy ireo, dia nitifitra azy tamin’ny basy goavana loatra. Namotika an’ilay liona tanteraka izany. Tsy nankasitrahako ilay—ilay—ilay fomba nanaovana azy.

⁶⁸ Rehefa tonga tany Phoenix aho, dia noteneniko tamin-dRahalahy Dawson izany, ary Rahalahy Mosley. Fantattro fa eto izy. Nahita azy aho indray andro, teto tany ho any. Ary nandeha niaraka tamiko izy, izy sy ny vadiny. Dia hoy aho hoe, “Diniho ary jereo, izany no HOY NY TOMPO HOE. Ho tahaka an’izany no hitrangany.”

⁶⁹ Niandry nandritr’ireo alina izahay, alina efatra na dimy, no nihazanay, na andro. Mahalana no mba ahitanareo liona iray eo amin’ny hazo amin’ny alina. Sendra nisy, rehefa tonga tany antranano, navotsotr’izy ireo ny alika, ity mpihaza ity, ity zazalahy Mormon ity. Ary ilay—tonga teo amin’ny lâlana iray ilay liona, na ilay alika no tonga teo amin’ny lâlana ilay liona, raha ny marina, ka nanery azy hiakatra teo amin’ny hazo iray. Ary tonga izy ireo tamin’ny folo ora tamin’ny alina, nanala anay teo am-pandriana. Nandeha teo izahay, ary teo ilay liona iray ihany tao anaty hazo. Namiratra ireo jiro, nitifitra azy tamin’ny kalibra teo amin’ny efatra amby efapolo teo Rahalahy Mosley, toy ny hoe tsy maintsy

nanapaka an'ilay liona nisasaka roa. Ary teo izy, tahaka an'ilay fomba nilazana azy marina tokoa.

⁷⁰ Ny ampitso, dia nihaona tamin'ilay sefon'ny mpiandry saha fihazana an'ny fanjakana aho, Jack Mormon hafa iray. Nentiko niaraka ireo zazalahy ireo, nitondra azy ireo niverina hody nankeo amin'i Kristy.

⁷¹ Teneniko aminareo, Izy no tsy miova omaly, anio, ary mandrakizay. Manaporofo Ny Teniny ho marina Andriamanitra.

⁷² Efa nandre olona ianareo nanao hoe, "Ny mahita dia mino." Tsy marina mihitsy izany. Olona maro no mahita nefo mbola tsy mino foana izy ireo.

⁷³ Tamin'ny andro naha-teto an-tany an'i Jesosy, dia nahoana izy ireo no tsy nanaiky Azy, hoe Izy io Tenin'Andriamanitra tonga voaseho io? Nahoana ny olona no tsy nahalala fa hoy i Mosesy hoe, "Ny Tompo Andriamanitrareo dia hanangana mpaminany iray tahaka ahy"? Ary nanatanteraka ny Teny tsirairay izay notenenin'ny Baiboly fa Hataony Izy, nefo tsy nino an'izany izy ireo.

⁷⁴ Fa Andriamanitra, tao amin'ny taona tsirairay, dia nanaporofo Ny Teniny ho marina. Manaporofo Ny Teniny isan'andro Izy. Noho izany dia milaza izy ireo matetika, hoe, "Ny mahita dia mino." Tsy izany ilay izy. Fa fantatsika fa manohy avy hatrany manaporofo Ny Teniny ao amin'ny taona tsirairay Andriamanitra.

⁷⁵ Fantatsika fa nanaporofo an'izany tamin'i Adama sy Eva Izy, izany dia rehefa hoy Izy hoe, "Ny andro ihinananaareo an'izany, amin'izany andro izany dia ho faty tokoa ianareo." Tsy maintsy manaiky an'izany isika, hoe izany no fahamarinana. Mino an'izany isika, satria nanaporofo an'izany tamintsika Izy, ary fantatsika fa izany no fahamarinana.

⁷⁶ Ankehitriny dia haka toerana vitsivitsy fotsiny isika izay nanaporofoin'Andriamanitra Ny Teniny. Ndao raisintsika, ohatra, tamin'ny andron'i—Noa. Niteny hafatra iray tamin'i Noa Andriamanitra izay tsy ara-tsiansa sy tsy azo inoana marina tokoa. Tsy nisy anankiray afaka nino. Tsy mbola nanorana mihitsy teto ambonin'ny tany. Tsy ara-tsiansa!

⁷⁷ Taona siantifika lehibe noho isika ankehitriny angamba izy ireo tamin'izany, satria nanorina pyramida sy sphinx, sy ny sisa izy ireo, tamin'ireo andro ireo, izay tsy vitantsika ny hanorina azy ankehitriny. Nahafantatra tsara ny hery iray izy ireo, an'ny karazana hery mekanika iray, atomika angamba na zavatra iray, izay nahafahan'izy ireo nampiakatra an'ireo vatobe goavana, izay tsy vitantsika ny hampakatra azy amin'izao andro izao. Fa nanao zavatra siantifika lehibe izy ireo. Nanana zavatra iray izay nahafahan'izy ireo nanosotra vatana iray izy ireo, mba hanao azy hitovy amin'ny ara-boajanahary mandritry ny an-jato taonany. Verintsika izany zava-kanto izany.

⁷⁸ Hoy Jesosy hoe, “Tahaka ny tamin’ny andron’i Noa, dia ho toy izany koa amin’ny fihavian’ny Zanak’olona.” Ary fantatsika fa tsy maintsy miditra ao amin’ny taona siantifika malaza hafa iray isika.

⁷⁹ Ary ankehitriny ny hafatra izay nananan’i Noa dia nifanohitra betsaka mihitsy tamin’ny finoan’io andro io, tao amin’ny fiangonana, ary tena nifanohitra betsaka mihitsy tamin’ny fikarohana siantifika izany. Fa nanaporofa Ny Teniny ho ny fahamarinana Andriamanitra. Noporofoin’Andriamanitra fa izay nolazain’io mpaminany io dia ny fahamarinana.

⁸⁰ Haka iray hafa ihany koa isika vetivety fotsiny. Abrahama dia mpaminanin’ny Tompo iray hafa, izay nahatongavan’ny Teny. Ary niteny taminy, rehefa dimy amby fitopolo taona izy, ary Saraha dia dimy amby enimpolo taona, fa hanana zanaka iray avy amin’i Saraha izy. Ankehitriny, tena fahatairana iray izany ho an’ny tsi-mpino anankiray. Azonareo eritreretina ve, amin’izao andro izao, fa hitranga ny zavatra tahaka an’izany na dia amin’ity andro ity aza, miaraka amin’ireo zava-bitantsika siantifika rehetra, ary ireo zazakely rehetra tehirizina ao amin’ny fantsona izay resahan’izy ireo, sy ny sisa? Fa ity vehivavy antitra ity, dimy amby enimpolo taona ankehitriny, ary lehilahy antitra iray dimy amby fitopolo taona, saingy tonga tamin’i Abrahama ny Tenin’ny Tompo ary niteny taminy fa hitranga io. Dia nino an’Andriamanitra i Abrahama. Ankehitriny, tsy mampaninona na impiry Andriamanitra no niteny, ary marina toy ny ahoana ilay izy, dia tsy maintsy nino an’izay nolazain’Andriamanitra i Abrahama, mba hanao an’ilay izy ho tahaka an’izany. Jereo ankehitriny hoe toy ny ahoana no nitsapana an’io lehilahy io, niaraka tamin’ny fanambarany, hoe tena nino izy.

⁸¹ Io lehilahy iray io ihany izay nanao an’io filazana io, hoe nino an’Andriamanitra izy, dia olona iray tahaka anareo, mipetraka eto izao hariva izao. Mbola mino an’Andriamanitra foana isika. Tsy maintsy mino isika fa Ny Teniny no Fahamarinana. Ary Izy no hanaporofa an’izany, hoe Izany no Fahamarinana, raha hino an’izany fotsiny isika.

⁸² Jereo ankehitriny ilay sakana izay nananan’i Abrahama. Ny zavatra voalohany dia ny taonany, dimy amby fitopolo taona, ary Saraha dia dimy amby enimpolo. Efa nihoatra ny fiovam-piaianana izy, ilay fitsaha-jaza. Tsy isalasalana fa izany dia nitsahatra, taona maro tany aloha. Niaina niaraka taminy amin’ny maha-vady iray izy. Naman’ny anabaviny izany, naka azy angamba fony izy tovovavy iray fotsiny tao amin’nyadolantsentony, ary nanambady azy. Ary tsy nananjanaka izy. Momba tanteraka izy. Ary hitantsika ankehitriny fa, mba hanaovana an’io, dia tsy maintsy nanasaraka ny tenany tamin’ireo olona rehetra izay tsy nino an’izany izy, mba hanao an’ilay hiseho.

⁸³ Tsy milaza aho hoe tokony hanasaraka ny tenanareeo amin'ny olona ianareo. Fa tsy maintsy manasaraka ny tenanareeo amin'ireo takoritsiky ny tsi-finoana rehetra ianareo, ka mijanona miala lavitra an'izany. Rehefa hoy ny olona hoe, "Ah, tsy mitranga ireo zavatra ireo! Andian'olona adala io! Tsy misy mitranga ny karazan-javatra tahaka an'izany," dia tsentseno ny sofinareeo ka manalavira. Aza miraharaha an'izany.

⁸⁴ Nilaza ny Baiboly fa "Abrahama dia tsy niahahanhana tamin'ny teny fikasan'Andriamanitra, tamin'ny tsi-finoana; fa nahery, nanome dera ho an'Andriamanitra." Novaina ny anarany avy tamin'ny Abrama ho Abrahama, ny fanovàna ny anarany no nanao ny anarany hoe, "rain'ny firenena." Azonareo eritreretina ve ny lehilahy iray niaina niaraka tamin'ny vadiny, ny malalan'ny fony, hoe niaina niaraka taminy izy ankehitriny nandritr'ireo taona rehetra ireo, ary ankehitriny tany amin'ny valopolo taona tany ho any, ary ny vadiny fitopolo taona, kanefa tsy nanana zanaka anankiray na fanantenan-janaka, nefà dia mihambo ho ilay "rain'ny firenena." Azonareo eritreretina ve ny nolazain'ny tsikeran'ny lehilahy sakaiza mandalo hoe, "Ry rain'ny firenena, firy ny zanaka anananao amin'izao fotoana izao?" Ary ireo tsikera rehetra izay tsy maintsy nandalovany!

⁸⁵ Saingy tsy niahahanhana na taiza na taiza mihitsy i Abrahama, an'ny tsi-finoana. Nino izy fa Andriamanitra dia afaka manatanteraka an'izay Nampanantenainy, hoe hanaporofo Ny Teniny Andriamanitra, tsy mampaninona na hafiriana no nilain'izany. Fa raha tokony hiha-malemy isan'andro, tahaka ny ataontsika mora foana, dia nihanahery foana izy. "Raha tsy nitranga ilay izy androany, dia ho fahagagana iray lehibe kokoa izany rahampitso, satria andro iray fahiny kokoa izany." Andriamanitra izany, izany no Andriamanitra tao amin'i Abrahama, satria fantany fa nanaporofo Ny Teniny rehetra ho tahaka an'izany Andriamanitra.

⁸⁶ Raha mba handray Ny Teniny fotsiny mantsy ireo Zanany, mba Ahafahany manaporofo an'Izany amin'ny alàlanareo! Izany no fomba tokana Azony anaporofoina Ny Teniny.

⁸⁷ Tsy manaporofo an'Izany amin'ireo tsi-mpino Izy. Tsy azo anaporofoina izy ireo; tsi-mpino izy ireo. Fa, tsy ho an'ireo tsi-mpino Izany. Tsy ho an'ireo tsi-mpino Izany.

⁸⁸ Izany dia ho an'izay mino. Ary raha afaka mahita olona iray izay hino Ny Teniny Izy, dia hanaporofo Ny Teniny amin'ny alàlanareo Izy. Ary matetika dia tahaka an'izany no itrangan'ny aretina sy ny sisa amintsika, mba ahafahan'Andriamanitra manaporofo ny Tenany.

⁸⁹ Tsaroanareo ve ilay lehilahy jamba izay hitan'i Jesosy? Hoy izy ireo hoe, "Iza no nanota, izy sa ny rainy, ny reniny?"

⁹⁰ Hoy Izy hoe, “Amin’ity zava-misy ity, dia tsy misy, fa mba hampahafantarana an’ireo asan’Andriamanitra.” Hitanareo, nitranga tamin’ilay zazalahy izany mba ahafahan’i Jesosy ho nomem-boninahitra. Matetika dia tsy ozona iray ny aretina, fitahiana iray izany, mba ahafahantsika mampiraikitra ny finoantsika eo ka miantsso an’ireo zavatra izay tsy misy, ho toy ny nisy. Andriamanitra no niteny an’izany, ary Izy no hanaporofo fa izany ilay izy raha tsy hihena fotsiny eo ambanin’ilay fitsapana ianareo.

⁹¹ Afaka nanaporofo tamin’i Joba Izy, indray mandeha, fa tsy hanozona Azy eo amin’ny Tavany izy. Jereo ilay fizahan-toetra izay nandalovan’i Joba. Fa tao amin’ilay tena valanoranon’ny fahafatesana mihitsy, dia mbola nilaza izy hoe, “Ny Tompo no nanome, ny Tompo no nanaisotra, isaorana anie ny Anaran’ny Tompo!” Nino an’izany marina tokoa izy. Nanaporofo Ny Tenimy tamin’i Joba Andriamanitra. Nanaporofo an’izany tamin’i Abrahama Izy. Nanaporofo an’izany ho marina Izy.

⁹² Nanaporofo an’izany tamin’ny alàlan’i Mosesy ihany koa Izy. Ary rehefa Mosesy, rehefa tena nanohitra azy ilay fahasaratana, dia nanana an’izany tao an-tsainy i Mosesy, hoe angamba, hoe mpanafaka iray, ka ny reniny no niteny taminy angamba fa teraka ho zaza tsara iray izy. Izy—izy no mpitaizany izay nitaiza azy tao amin’ny lapan’i Farao, tsy isalasalana fa niteny taminy izy hoe, “Anaka, efa nivavaka izahay mba ho afaka, ary mino izahay fa ianao io zanaka izay hampiasain’Andriamanitra mba hanafaka io.” Ary avy eo izy rehefa . . .

⁹³ Hitanareo, tonga izy ary tsy maintsy ho ny—ny zanaky ny zanakavavin’i Farao, ary hitantsika fa izy no tsy maintsy ho mpandova ny seza fiandrianana. Nahoana, tsy isalasalana fa tao an-tsain’izy ireo izany tamin’izany fotoana izany, hoe izy no ho lasa Farao manaraka, “Ary tahaka an’izany no hanafahany ny vahoaka, amin’ny maha-Farao manaraka.” Fa Andriamanitra dia nanana ny . . . Raha ho izany ilay izy, amin’izay fotoana izay dia ho nanao an’izany tamin’ny alàlan’ny fitaovana iray izy, tamin’ny alàlan’ny—ny—ny hetsika politika iray. Fa tsy miasa tahaka an’izany isan’andro Andriamanitra.

⁹⁴ Manana ny Fombany manokana hiasana Andriamanitra, ary Izy no nilaza fa Izy dia “hamoaka azy ireo.” Niteny tamin’i Abrahama Izy hoe, “Afaka efajato taona,” Izy dia “hamoaka azy ireo, amin’ny tànana mahery,” Izy dia “haneho famantaranana sy fahagagana.” Noho izany dia tsy afaka nanao an’ilay izy tahaka an’izany izy, noho izany Abra- . . . Hitantsika fa nino an’Andriamanitra i Abrahama, ary indro i Mosesy ankehitriny fa mino an’Andriamanitra.

⁹⁵ Ary nijery teo amin’ilay varavarankely iray ihany izay nijeren’i Farao i Mosesy, nahita an’ilay vahoaka iray ihany izy. Io Farao io dia nijery azy ireo, toy ny, “Vahoaka iray voaozona,

vahoaka iray izay tsy misy afa-tsy andiana fanatisma fotsiny, ho an'Andriamanitra iray, ary Andriamanitra iray any an-tany efitra any ho any izay tsy misy na inona na inona fantatr'izy ireo; andry tsy hita maso iray izay ivavahan'izy ireo, izay tsy misy na inona na inona amin'izany. Andiana fanatika iray izy ireo. Ary andian'andeve iray izy ireo. Ary namela azy ireo ho andeve ny Andriamaniny, nanaporofo fa tsy Andriamanitra Izy."

⁹⁶ Ary teo afovoan'ilay zavatra manontolo mihitsy, dia nanangana an'ilay tena lehilahy mihitsy Izy. Manao zavatra amin'ny fomba hafa kely Andriamanitra, eo ambanin'izy ireo mihitsy. Tsy teolojiana iray, tsy mpampianatra iray, tsy pretra iray, tsy iray amin'ireo lehilahy masin'izy ireo; fa lehilahy tsotra iray fotsiny, teraka ho an'ilay asa. Ary Andriamanitra dia niantso azy ho Mpaminaniny, ka nandefa azy nankany. Ary tsy nisy afa-tsy tsorakazo bingo iray teny an-tànany, mba hiatrika tafika iray, fitaovana mekanika izay nandresy an'izao tontolo rehetra izao. Fa niaraka tamin'io tsorakazo teny an-tànany io, satria Andriamanitra no niteny taminy mba hihazona an'io tsorakazo io eny an-tànany ary izy no hanafaka an'ny Israely, dia nandeha izy ka nanao an'izany satria Andriamanitra no nampanantena an'izany. Ahoana no hanaovany an'izany? "Homba anao Aho."

⁹⁷ Hoy izy hoe, "Asehoy ahy ny Vominahitrap, Tompo. Miadam-piteny aho. Tsy afaka miresaka tsara aho. Ary izaho . . ." Nanana fialan-tsiny iray tapitrisa izy.

⁹⁸ Fa hoy Izy hoe, "Homba anao Aho." Ary izay ihany no nilain'izany. Lasa izy, nandray ny Tenin'Andriamanitra. Tsy mampaninona na toa mampidi-doza toy ny ahoana aza ilay asa, nanohy nino an'Andriamanitra i Mosesy. Ary Andriamanitra nanaporofo Ny Teniny, tamin'ny alàlan'i Mosesy, ho ny fahamarinana. Satria, tsy nampaninona izay niseho, nijanona tsara tamin'ny Teny i Mosesy. Tao amin'ny fotoan'ny dia . . .

⁹⁹ Niteny tamin'izy ireo Andriamanitra, tany Egypta, ihany koa, fa hanafaka azy ireo Izy hoe, "Hankao amin'ny tany nampanantenaina iray, tany tsara iray, feno ronono sy tantely." Ary tena nisy tokoa izany. Tsy fantatr'izy ireo fa nisy izany, saingy hoy Izy hoe, "Misy izany, ary efa Nomeko anareo izany. Efa anareo izany, mandehana takio fotsiny izany!"

¹⁰⁰ Ary tany an-efitra, rehefa nivoaka ny maro tamin'izy ireo, nandihy tao amin'ny Fanahy, rehefa nively an'ilay amponga i Miriama; nihinana mana avy tany An-danitra; nihaino an'i Mosesy nihira tao amin'ny Fanahy; nandinika an'ireo fahagagana sy famantarana niseho. Fa rehefa tonga teo amin'ny fampisehoan-kery iray ilay izy, mba hino ny Tenin'Andriamanitra manontolo, ny teny fikasana rehetra, dia tsy nahomby izy ireo.

¹⁰¹ Roa tamin'izy ireo fotsiny ihany no nino an'izany, izany dia Josoa sy Kaleba. Ary nitondra an'ilay porofo niverina izy ireo hoe tsara ilay tany.

¹⁰² Saingy, nisy ireo zava-misy, izany no nanakana azy ireo. Satria, hoy izy ireo hoe, "Tsy afaka haka an'io tany io isika, satria mimanda ny tanànan'izy ireo, ny—ny—ny solontenan'izy ireo tany. Tsy ny solontenan'izy ireo, fa ireo—olombe lehibe ny vahoakan'izy ireo. Nahoana, tahaka ny tsingentana isika, eo anilan'izy ireo."

¹⁰³ Hoy Josoa sy Kaleba hoe, "Mihoatra noho ny afaka maka azy isika." Nahoana? Andriamanitra no nanome an'izany ho azy ireo, tsy mampaninona na goavana toy ny ahoana aza ireo olombe. Tsy midika na inona na inona amin'izy ireo ilay sakana. Andriamanitra no efa niteny an'izany! Ary Andriamanitra no nanaporofa an'izany tamin'ny alàlan'izy ireo. Ary nandeha nankao izy ireo ka naka an'ilay tany, araka ny nolazain'Andriamanitra fa hanao an'izany izy ireo. Izy no nanaporofa an'izany tamin'izy ireo.

¹⁰⁴ Ankehitriny, rehefa tonga izy ireo tamin'ny volana Aprily, rehefa nikoriana avy teny an-tendrombohitra ireo rano, teo ambonin'ireo tafiotran-dranomandry, sy ny sisa, ka toy ny hoe jeneraly mampalahelo iray Andriamanitra, mitarika ny Tafiny mankeo amin'ny toerana iray mihitsy, izay Nanereny azy ireo lavitra an'ilay tany nampanantenaina. Ary tamin'ilay fotoana izay Nampitainy azy ireo mihitsy, izay hampitainy azy ireo, dia izany no volana ratsy indrindra amin'ny taona. Ilay volana izay nanatondrahan'i Jordana ny morony, tondraka hatrany amin'ireo saha. Nahoana, raha hampita azy ireo izy ireo, dia tokony ho tamin'ny fotoan'ny fahavaratra ilay izy, izay ahafahan'izy ireo mitety miampita malalaka. Fa niandry mandra-pahatongan'ny rano ho lasa lalina Izy. Tiany ny mampiseho fa Andriamanitra Izy. Tiany ny manaporofa Ny Teniny, tsy mampaninona.

¹⁰⁵ Aza miraharaha raha nilaza ny dokotera hoe, "Eo am-pahafatesana miaraka amin'ny homamiadana ianao." Izay ihany no fantatry ny olona. Mety ho lalina ireo rano ho an'ny sasany aminareo, izao hariva izao. Fa, tsarovy, Andriamanitra no nanao ny teny fikasana. Mihazona Ny Teniny Andriamanitra, ary manaporofa Ny Teniny Andriamanitra. Izany no Fahamarinana.

¹⁰⁶ Niandry Izy mandra-pahatongan'ireo rano ho lasa feno fotaka, mandra-pahatongan'izy ireo ho lasa lalina ary nihoatra ny lohan'izy ireo, sy ny sisa, ary avy eo dia Nosokafany ilay lâlana. Nandeha teo alohan'izy ireo Izy ka nanao an'ilay lâlana.

¹⁰⁷ Ahoana no hidiran'izy ireo, tao Jeriko, nefà nikatona tanteraka izy? Nanontany i Josoa. Fantany fa Andriamanitra no nitarika azy hatreо, ny dingana manaraka dia an'Andriamanitra.

¹⁰⁸ Indray andro, rehefa nandehandeha teo izy, njery an'ireo rindrina, dia nahita Lehilahy iray nitsangana niaraka tamin'ny Sabany voatsoaka. Dia nosintoniny ny sabany ka nandeha nihaona tamin'ilay Lehilahy izy, hoy izy hoe, "Momba an'iza Ianao? Momba anay ve Ianao sa momba ny fahavalonay Ianao?"

¹⁰⁹ Hoy Izy hoe, "Izaho no Kapitenin'ny tafiky ny Tompo." Dia niteny taminy an'izay hatao Izy. Ahoana no hitsofany trompetra iray ka nianjera ny rindrina, izay nahafahan'izy ireo nanao hazakazan-kalesy nanerana an'izany? Inona no hidiran'ny trompetra iray amin'izany?

¹¹⁰ Mampiasa fomba tsotra tahaka an'izany Andriamanitra. Tahaka an'izany ilay izy, ny fahatsoran'izany, izany no manao azy ho Andriamanitra amiko. Miezaka foana isika ny hahita zavatra malaza iray, izay hanao zavatra, fa Andriamanitra... haka an'ilay zavatra manontolo ny rafi-pandaminana malaza iray ka hanala an'izany rehetra izany. Nefa, maka olona tsotra iray Andriamanitra, olona anankiray fotsiny izay Azony hazonina eo an-Tànnany, ka Izy no hanaporofo ny Teny tsirairay izay Nolazainy, amin'ny alàlan'Izany. Mila fomba kely tsotra tahaka an'izany ilay izy!

¹¹¹ "Tsofy ny trompetra iray." Tsy hoe angadiho ilay rindrina, fa, "Tsofy fotsiny ny trompetra, dia hirodana ilay rindrina. Ny fipoakan'ilay trompetra no handòna an'ireo rindrina hirodana." Adala toy ny ahoana ho an'ilay fisainana ara-nofo! Fa nanaporofo Andriamanitra fa marina Ny Teniny, satria nirodana ireo rindrina, ny anankiray teo an-tampon'ilay hafa. Nandeha avy hatrany izy ireo ka naka an'ilay tanàna.

¹¹² Oh, tian'Andriamanitra ny manaporofo ny Tenany ho Andriamanitra! Nahafantatra an'izany i Josoa. Indray andro, ary rehefa nitsangana tany izy, anankiray amin'ireo paradox lehibe indrindra izay hany nitranga, ankoatrany ny fahafatesana, ny fandevenana, ary ny fitsanganan'i Jesosy Kristy. Rehefa ilay fahavalo... Naviliny izy ireo, ary teny antendrombohitra ireo tafika samihafa. Naviliny izy ireo, ary teo am-pilentehana ny masoandro. Oh, oadray, fotoana iray toy ny inona izany ho an'i Jeneraly Josoa!

¹¹³ Tsarovy, niady an'io tany io hatrany izy, tsy nisy hopitaly iray, mpampivelona iray, andiana mpamony aina iray, na nanana lehilahy iray naratra. Teneno amiko ny zavatra iray izay afaka mandresy an'izany. Eny, tempoko. Tsy nanana hopitaly iray mihitsy izy, tsy nanana mpampivelona, nefy tsy nahavery lehilahy iray mihitsy, raha mbola nandeha tao amin'ilay sitrapo sy ny Tenin'ny Tompo foana izy ireo. Noporofoin'Andriamanitra fa nomba azy ireo Izy. Marina izany. Mariho ankehitriny.

¹¹⁴ Ary hitantsika fa fantatr'i Josoa hoe, raha tonga ny alina, dia hitsaitsika izy ireo ka hifankahita, ary—ary hanakambana ny tenany ka hanao tafika iray hafa goavana, ary banana

fotoana sarotra iray izy miaraka amin'izy ireo ny ampitso. Tsy fantany izay hatao, noho izany dia niandrandra nankany amin'Andriamanitra izy. Nila fanampiana izy, ary nila an'io masoandro io hipetraka tsara. Noho izany dia nodidiany fotsiny io masoandro io hipetraka tsara, ary ny...nilaza tamin'ny "volana mba hihantona teo ambonin'i Aialona," tsy nihetsika mandra-pandidiny azy. Ary nipetraka tsara nandrity ny efatra amby roapolo ora ny masoandro sy ny volana, rehefa niady an'ilay ady i Josoa ka naharesy an'ilay fahavaloo, satria tao amin'ilay laharan'andraikitra mihitsy izy. Nanana zò hanao an'izany izy, satria nankatô ny didin'Andriamanitra.

¹¹⁵ Ary raha mbola ao amin'ilay laharan'andraikitra foana ianareo, mihazona ny Tenin'Andriamanitra, manao fotsiny an'izay Noteneniny taminareo mba hatao, mandeha araka ny baikon'Andriamanitra, dia manana zò hilaza amin'io tendrombohitra io ianareo hoe, "Mifindrà!"

¹¹⁶ Mihazona Ny Teniny Andriamanitra. "Raha milaza amin'io tendrombohitra io ianareo hoe, 'Mifindrà,' ka tsy misalasala ao am-ponareo, fa mino hoe hiseho izay nolazainareo, dia afaka mahazo an'izay nolazainareo ianareo." Jesosy no niteny an'izany, ao amin'i Masindahy Marka 11:22. Izany no Fahamarinana. Fantatro fa izany no Fahamarinana. Tenin'Andriamanitra izany, ka izany no manaporofo fa izany no Fahamarinana. Matahotra fotsiny isika indraindray. Tonga eo amin'ny toerana iray isika, matahotra isika fa tsy hihazona an'ity Teny ity Izy. Hihazona an'ity Teny ity Izy. Izy no nilaza fa Hataony izany. Ankehitriny, hitantsika fa marina izany. Izy no nanaporofo an'izany.

¹¹⁷ Ny faminanian'i Isaia, indray mandeha, izay zavatra iray tsy mbola nitranga mihitsy; tsy mbola nitranga tany aloha, ary tsy mitranga intsony hatramin'io. Hoy izy hoe, "Hanan-anaka ny virijiny." Azonareo eritreretina ve ny vehivavy iray, tsy mahalala lehilahy, hanana zanaka iray? Hoy Isaia hoe, "Hanan-anaka ny virijiny."

¹¹⁸ Dia nanao virijiny iray nanan-anaka Andriamanitra, mba hanaporofo Ny Teniny ho fahamarinana. Nanaporofo Ny Teniny Izy, satria nanan-anaka tokoa ny virijiny ary niteraka an'ilay Zanaka.

¹¹⁹ Ankehitriny, io Teny tonga nofo io, jereo izay nataon'Izany. Rehefa tonga io Zanaka io, dia Izy no Teny Izy tenany. "Tamin'ny voalohany ny Teny, ary ny Teny tao amin'Andriamanitra, ary ny Teny dia Andriamanitra. Ary ny Teny dia tonga nofo ka nonina teo anivontsika."

¹²⁰ Izy io Teny velona io. Izy no nanaporofo fa Izy io Teny velona io. Nilaza tamin'ireo mpampianatra tamin'izany andro izany Izy hoe, "Iza no afaka manameloka Ahy amin'ny fahotana?" "Fahotana dia "tsi-finoana." "Iza no afaka miteny Amiko fa tsi-mpino iray Aho? Ny Teny rehetra izay nosoratana mikasika

Ahy, dia efa tanteraka.” Ireo filazana fito mialoha mikasika ny Fiaianany dia tanteraka tao anatin’ireo ora fito farany, teo amin’ny hazo fijaliana. Ny zavatra rehetra izay voasoratra mikasika Azy, dia tanteraka, satria Izy no Teny. Noporofoiny fa Izy izany, izany. Nanasitrana ny marary Izy. Nanangana ny maty Izy. Nandresy ny fahafatesana Izy, ny helo, ary ny fasana. Noporofoiny fa Izy no Teny.

¹²¹ Mariho ity trangan-javatra eto ity tao an-tranon’i Jairo. Izy no... Niteny ny fahamarinana tamin’izy ireo Izy. Hitantsika Izy raha niampita ny ranomasina Izy. Tonga Izy.

¹²² Nisy vehivavy kely iray teo ambonin’ny havoana, izay nandany ny volany rehetra tamin’ireo mpanao fanafody. Tsy isalasalana, nanao izay rehetra fantany ireo mpanao fanafody hoe ahoana no hatao, mba hanao an’ilay vehivavy ho salama; mpanao fanafody Hebreo angamba, ary vehivavy Hebreo iray io, noho izany dia nanao an’izay rehetra vitany ho an’ny anabaviny izy ireo. Na izany aza, tsy nanana na inona na inona hampjanona an’io fitsiha-drà io izy ireo, izay, angamba, fotoan’ny fitsahajaza iray ka nikoriana ny ràny hany izy ka... tena nalemy ilay zavatra kely ka saiky tsy afaka nandehandeha intsony izy. Ary efa nandre mikasika an’i Jesosy izy. Ka rehefa nahita an’ilay sambo kely niditra nankao amin’ireo hazo malahelo izy, dia nandeha mba hijery.

¹²³ Maro tamin’ireo mpitsikera Azy no nitsangana teo. Ary tsy afaka amin’ireo mpitsikera Izy amin’izao andro izao. Raha fantatr’izy ireo hoe Iza Izy, dia tsy ho mpitsikera Azy izy ireo. Fa mpitsikera Azy izy ireo satria tsy fantatr’izy ireo hoe Iza Izy.

¹²⁴ Ary tahaka an’izany ny Hafatra amin’izao andro izao, lehilahy sy vehivavy tsara marobe no mitsikera an’Ity satria tsy fantatr’izy ireo hoe inona Izany.

¹²⁵ Hoy Jesosy hoe, “Raha nahafantatra an’i Mosesy ianareo, dia ho nahafantatra Ahy. Niresaka ny Amiko i Mosesy. Olona malaza maro no naniry hahita an’izao andro izao. Raha tsy manao an’ireo asan’Ny Raiko Aho, amin’izay fotoana izay dia aza mino Ahy. Manana vavolombelona maro kokoa Aho,” hoy Izy, “noho ny an’i Jaona, satria ireo asa izay Ataoko, no manaporofa fa miaraka Amiko ny Ray.” Nanana asa lehibe kokoa Izy, satria Izy no ilay Voatondro. Voatondro ihany koa i Jaona, amin’ny maha-feon’ny miantso mafy any an-efitra. Fa rehefa tonga Izy, dia Izy no ilay mpaminany izay noresahan’i Mosesy fa hatsangana.

¹²⁶ Araka ny nolazaiko indray hariva, dia tonga tamin’ny anaranana telo Izy; ny anaran’ny Zanak’Andriamanitra, Zanak’olona, ary Zanak’i Davida.

¹²⁷ Fony Izy teto an-tany teto, tamin’ny voalohany, dia Izy no Zanak’olona. Tsy afaka ny ho Zanak’Andriamanitra Izy tamin’izany; tsy nihambo ho izany mihitsy Izy. Nilaza Izy fa

Izy no "Zanak'olona." Rehefa nanontany Azy ny olona iray, dia hoy Izy hoe, "Mahita ny Zanak'olona ianareo; ny Zanak'olona." Ankehitriny, "Zanak'olona" dia *mpaminany* iray. Tsy maintsy tahaka an'izany no Nahatongavany, satria, ny Soratra, tsy afaka ho tonga mifanohitra amin'ny Soratra Izy.

¹²⁸ Izany no antony, amin'izao andro izao, hoe ny—ny Hafatsika an'ity ora ity dia tsy afaka ho tonga amin'ny alàlan'ireo teolojiana sy teolojia, tsy maintsy miverina amin'ilay zavatra iray ihany izay nampanantenaina fa hataony izany. Tsy maintsy ho tahaka an'izany ilay izy.

¹²⁹ Noho izany dia hitantsika fa, ao amin'ity Lehilahy ity, tsy maintsy ho mpaminany iray Izy. Tsy hoe Zanak'Andriamanitra teo, tsy maintsy ho Zanak'olona Izy. Jehovah Izy tenany no niantso an'ireo mpaminany, Jeremia sy izy ireo hoe, "Zanak'olona." "Rehefa mahita ny Zanak'olona ianareo..." "Iza ilay Zanak'olona?" nanohy nanontany izy ireo.

¹³⁰ Tamin'io fotoana io, dia nanatanteraka ny Asany amin'ny maha-Zanak'olona Izy. Avy eo dia nanatanteraka ny Asany amin'ny maha-Zanak'Andriamanitra Izy ankehitriny. Andriamanitra dia Fanahy iray, ary rehefa nanompo Izy ankehitriny nanerana an'ireo Taom-Piagonana, amin'ny maha-Zanak'Andriamanitra. Ankehitriny, ao amin'ny Arivo taona, dia ho Zanak'i Davida Izy, rehefa mipetraka eo ambonin'ny seza fiandrianan'i Davida Izy. Izy no ho mpandova ny seza fiandrianana, Zanak'i Davida. Zanak'olona, Zanak'Andriamanitra, Zanak'i Davida, ary izany dia ilay Lehilahy iray ihany foana.

¹³¹ Tahaka ny Ray, Zanaka, ary Fanahy Masina fotsiny; ilay asan'Andriamanitra. Izy no Andriamanitra ilay Ray, avy eo Izy dia lasa Andriamanitra ilay Zanaka, ankehitriny Izy dia Andriamanitra ilay Fanahy Masina. Tsy hoe Andriamanitra telo; Andriamanitra anankiray, fanehoana telo, toetra telon'ilay Andriamanitra iray ihany.

¹³² Hitantsika ankehitriny, ary ao amin'ity ora izay iainantsika ankehitriny ity, fa mihzona Ny Teniny Andriamanitra mitovy amin'izay Nataony tamin'izany mihitsy.

¹³³ Hitantsika fa niampita ny ranomasina Izy. Nino Azy ity vehivavy ity, nisy zavatra tao anatiny nanomboka nikapokapoka. Tsy nanana Soratra ho an'izany izy, tahaka ny tsy nananan'i Josoa Soratra mba hampijanona ny masoandro, fa nino tao am-pony izy fa Izy no Zanak'Andriamanitra. Noho izany dia hoy izy hoe, "Raha mba afaka mikasika ny Lambany fotsiny mantsy aho, dia ho sitrana." Noho izany dia nisisika tao amin'ilay vahoaka betsaka izy mandra-pikasiny ny Lambany, ka nitsahatra ilay fitsiha-drà.

¹³⁴ Ankehitriny, njery nankany amin'ny mpanatrika Izy, mba hahita hoe iza no nikasika Azy. Tsy isalasalana, nisy olona

iray teo. Nijanona Izy. Nanety Azy ny olona rehetra; ary ny sasany naneso Azy, ny sasany nihomehy Azy; nitsangana ny mpisorona ka nanontany Azy, ary ireo mpitondra fivavahana, sy ny sisa. Fa nisy sasany izay nino Azy. Ary, ary afaka kelikely dia nijanona Izy, tampoka teo, nitoditodika, nanao hoe, “Iza no nikasika Ahy?”

¹³⁵ Hoy ny sasany tamin’izy ireo hoe, “Nahoana, ry Mpampianatra!” Mino aho fa i Petera no nilaza hoe, “Nahoana, manety Anao ny vahoaka betsaka manontolo. Nahoana, iza no ‘nikasika’ Anao? Nahoana, ny olona rehetra dia mikasika Anao!”

¹³⁶ Hoy Izy hoe, “Saingy Hitako fa nisy hery niala Tamiko.” Lasa malemy Izy. Karazana fikasihana hafa iray izany.

¹³⁷ Raha afaka mahita an’izany fotsiny mantsy isika, rahalahy, ranabavy! Raha afaka hikasika Azy amin’ny fikasihana anankiray ianareo! Oh, ry olona marary, miomana ny hivavaka ho anareo aho, afaka minitra vitsy fotsiny. Tena mino aho fa manana ny Fanahy Masina aho, tahaka ny Fanahy Masina izay anananareo eo mihitsy, manana ireto lehilahy eto ireto. Ilay Fanahy Masina iray ihany, saingy didin’Andriamanitra iray izany; ary raha hino an’izany ho didin’Andriamanitra ianareo, ny fivavahana ho an’ny marary, sy ny fametrahan-tànana eo amin’izy ireo, sy ny fandroahana fanahy ratsy, ary ireo teny fikasana izay efa Nataony, dia ho ilay zavatra iray ihany izany aminareo. Hahazo an’izay angatahanareo ianareo, raha mety mino an’izany.

“Mety mino ve ianao fa mahay manao an’izany Aho?”
hoy Jesosy.

¹³⁸ “Hia, Tompo, mino aho,” hoy ilay lehilahy niaraka tamin’ilay ankizy tratry ny androbe, “mino aho fa Ianao no Zanak’Andriamanitra izay ho tonga eto amin’izao tontolo izao.” Ankehitriny, fantatsika fa izany irery ihany no afaka maka an’io toetra io mba hitondra an’ireo vokatra.

¹³⁹ Ankehitriny, haingana mihitsy, ndao isika hieritreritra ny Aminy vetivety, indro Izy eo amin’ny Lèlany. Tonga ny mpisorona kely iray, tsy isalasalana fa mpino mpanara-driandrano iray ity lehilahy kely ity.

¹⁴⁰ Misy marobe amin’izy ireo ao amin’izao tontolo izao amin’izao andro izao, ireo mpino kely mpanara-driandrano. Te-hino an’Izany izy ireo. Te-hino izy ireo fa tena misy ny Fanahy Masina. Te-hino izy ireo fa hetsika apostolika izao, araka ny nampanantenain’Andriamanitra fa handatsaka Ny Fanahiny Izy amin’ny andro farany. Isika...te-hino ny Malakia 4 izy, izay Nampanantenainy, fa amin’ny andro farany ilay—ilay Finoana pentekotista tany am-boalo hany dia ho tafaverina ao amin’ilay—ao amin’ilay fiangonana indray.

¹⁴¹ Malakia 4 no manambara an'izany. "Indro, Izaho haniraka an'i Elia ho aminareo amin'ny andro farany," marina izany, "ary izy hamerina ny Finoan'ireo zanaka ho amin'ny ireo ray indray," hitanareeo, "ny Finoan'ny ray ho amin'ireo zanaka, ihany koa." Hitanareeo, tsy maintsy misy izany.

Hoy ianareeo hoe, "Eny, Jaona Mpanao-batisa izany." Tsia, tsia.

¹⁴² Jaona Mpanao-batisa dia ny Malakia 3. Marina izany. Matio 11 no miteny an'izany, "Raha afaka mandray an'izany ianareeo, dia izy no resahana hoe, 'Indro, Izaho maniraka ny Irako eo anoloan'ny Tavako.'" Elia izany, marina tokoa. Jesosy no nilaza fa izy izany. Fa tsy ilay Elian'ny Malakia 4, mihitsy.

¹⁴³ Satria, "Taorian'io Hafatra io avy hatrany, dia tsy maintsy dorana amin'ny afo ny tany, ka ny marina handeha eo ambonin'ny lavenon'ny ratsy fanahy." Noho izany dia tsy nitranga tamin'ny andron'i Jaona mihitsy izany. Tsy maintsy manana Hafatra iray isika hitety sy hamoaka ny olona avy ao amin'ireto toerana ara-anaram-piangonana rehetra ireto, hiverina amin'ny Finoana tany am-boalohany, pentekotista tena izy. Ary mahita an'izany vita isika, fahatanterahan'ny Soratra iray izay tsy maintsy hiseho izany. Tsy maintsy tanteraka ireo Soratra rehetra. Mbola firy amin'izany no azontsika hampiharina, hila lava kokoa noho ny fotoako ho tapitra izany ankehitriny, mba hanehoana. Fa azonareo ireo zavatra ireo, hoe tsy maintsy mitranga tahaka an'izany marina tokoa ilay izy, ho an'ireo zanak'i Abrahama, araka ny Nampanantenainy mihitsy.

¹⁴⁴ Mahita an'i Jesosy mandeha mba hanasitrana an'ilay zazavavy kely isika. Satria, ilay ray, ilay mpino kely mpanara-driandrano, nisy zavatra tonga teo amin'ny toerana iray izay tsy maintsy nanekeny an'i Jesosy, noho izany, nandao azy ny dokotera. Dia nanao ny satrony kely mainty izy ka niainga mba hahita raha afaka hahita an'i Jesosy izy. Hitanareeo, eo foana mihitsy Izy rehefa mila Azy ianareeo. Nahita Azy niditra teo amin'ilay morona mihitsy izy.

¹⁴⁵ Dia hoy izy hoe, "Avia hankany amin'ilay zazavavy keliko, apetraho eo aminy ny Tànanao, dia ho salama izy." Hoy izy, "An-dàlam-pahafatesana izy. Zanako tokana izy." Hoy izy, "Roa ambän'ny folo taona izy. Tsy manana zanaka hafa izahay. Izaho sy ny vadiko," angamba, "dia miha-antitra. Ary io no zanaka tokana izay anananay, nefä an-dàlam-pahafatesana izy. Tompo, mino Anao aho. Raha ho tonga fotsiny Ianao hametraka ny Tànanao eo aminy, dia ho salama izy."

¹⁴⁶ Hitanareeo, inona no nekeny? Nanaiky izy fa ity Tenin'Andriamanitra nampanantenaina ity dia voaseho tao amin'ity Lehilahy ity.

¹⁴⁷ Mitovy amin'izay nolazain'i Nikodemosy mihitsy hoe, "Raby, mpampianatra, fantatray fa Ianao dia mpampianatra avy

amin'Andriamanitra. Fantatray izany. Mahafantatra an'izany ireo Fariseo." Nahoana izy ireo no tsy niaiky an'izany? "Tsy misy olona afaka manao an'ireo zavatra izay Ataonao, raha tsy Andriamanitra no nomba Azy. Fantatray fa avy amin'Andriamanitra Ianao."

¹⁴⁸ Eto dia hitantsika fa nino an'ilay zavatra iray ihany i Jairo. Hoy izy hoe, "Avia apetraho ny Tànanao." Fantany fa tao Aminy Andriamanitra. "Apetraho eo amin'ny zanako ny Tànanao. Na dia eo an-dàlam-pahafatesana aza izy, dia ho velona."

¹⁴⁹ Nandeha niaraka taminy fotsiny Izy. Ary raha mbola nandeha izy, dia indro tonga ny iraka iray niverina, ka nanao hoe, "Aza manahirana Azy, aza manahirana ny Mpampianatra intsony. Ilay-ilay zazavavy, dia maty, lasa izy ankehitriny. Maty izy."

¹⁵⁰ Nitodika nankany amin'i Jairo Jesosy, nanao hoe, "Tsy nilaza taminao ve Aho hoe, 'Raha hino fotsiny ihany ianao, dia ho hitanao ny voninahitr'Andriamanitra'? Raha hino an'izany fotsiny ihany ianao!"

¹⁵¹ Niditra nankao amin'ny efitra Izy, ary tao izy ireo, ny rehetra nitomany sy nihiaikiaka, ary nidradradradra, tahaka ny hataon'ny olona rehetra mihitsy. Zazavavy kely tsara tarehy iray, zanaky ny pasitera iray, no maty, ary nesorina niala tetra amin'ity izao tontolo izao ity izy. Ary efa maty nandrity ny ora maro angamba izy, ka noho izany dia nampandrian'izy ireo teo ambonin'ny sezalava izy, ary efa vonona ny hanosotra ny vatany, angamba, ka hitondra azy, ary ho any amin'ny fandevenana.

¹⁵² Avy eo dia hitantsika fa niditra tao amin'ilay trano Jesosy. Nidradradradra izy rehetra. Hoy Izy hoe, "Milamina." Hoy Izy hoe, "Tsy maty izy, fa matory."

¹⁵³ Azonareo eritreretina ve ankehitriny izay noeritreretin'izy ireo? "Nahoana, ity lehilahy ity dia fantatsika, ankehitriny. Azontsika fa zazasary iray Izy. Ary rentsika ny Aminy, ny Filazany mialoha maimaika rehetra izay Ataony. Ary fantatsika ankehitriny fa marina ny an'ilay mpisorona hoe, 'adala ilay lehilahy,' satria fantatsika fa maty izy. Ny dokotera no nanambara ny 'fahafatesany,' ary io mandry io izy. Lasa izy, ary fantatsika fa maty izy." Nilaza izy ireo, nihomehy Azy fatratra izy ireo, amin'ny teny hafa, nanao Azy hahatsapa ho afa-baraka, tamin'ny fitsikerana Azy.

¹⁵⁴ Saingy efa nilaza Izy fa tsy maty izy. Izay ihany no ilain'izany. "Matory izy." Tsy mampaninona na firy ireo tsikera, hanaporofo Ny Teniny Izy! Nasainy nivoaka ny trano ny rehetra, namoaka an'ireo tsi-mpino rehetra. Nitondra an'i Petera, Jakoba, ary Jaona, ireo mpino, vavolombelona telo, ary ilay ray sy reny, niditra ary nandray an'ilay zanakavavy tamin'ny tànanana, ka niteny tamin'ny fiteny iray izay niantso ny fanahiny

hiverina avy tany ho any tany amin'ny Mandrakizay. Ary velona ilay zazavavy.

¹⁵⁵ Inona no Nataony? Nanaporofo Ny Teniny Izy. Nanaporofo an'izay Nolazainy Izy. Tsy maty izy. Matory izy. Hitantsika ankehitriny, teo am-panaovana an'io, dia mahafantatra, ary nanaporofo zavatra hafa Izy teo. Noporofoiny ankehitriny fa Andriamanitra Izy. Noporofoiny fa nanana fahalalana mialoha Izy. Diniho izay nolazain'Ny Teniny ankehitriny. “Tsy maty izy, fa matory.” Hitanareo, tsy maty izy, eo am-panombohana. Natory izy. Naneho ny Fahalalany mialoha. Ankehitriny, mety nisy maro tamin'ireo zazavavy no maty tamin'io maraina iray io ihany, saingy ity anankiray ity dia tsy maty. Natory izy, tahaka an'i Lazarosy. Ary niantso azy avy tao amin'io torimaso io Izy, satria tsy maty izy.

¹⁵⁶ “Ary izay mino Ahy, na dia maty aza izy, dia mbola ho velona; Ary na iza na iza velona ka mino Ahy, dia tsy ho faty intsony.” Ireo izay eo amin'ny Bokin’ny Fiainan’ny Zanak’ondry irery ihany, izay Navotany rehefa maty Izy, izany no Hantsoiny avy ao amin'io torimaso io, amin’izany andro izany, ireo izay velombelomin’ny Heriny, izay manana an'io hery mamelembelona io mipetraka ao anatin’izy ireo. Ary tahaka ny nolazaiko omaly hariva; na dia taorian’ny nahafatesan’i Elisa aza, ka nipetraka tao anatin’ny fasana ireo taolany, dia mbola tao anatin’ireo taolany ireo foana io hery mamelembelona io.

¹⁵⁷ Azo antoka, Noporofoiny ho Iza Izy. Ankehitriny dia mahita indray isika, mitovy, Noporofoiny ihany koa, izany, ao amin'ny Hebreo ny toko faha-4 ary ny andininy faha-12, Noporofoiny fa Izy no Tenin’Andriamanitra. Noporofoiny tokoa. Mariho izay Nataony. Hebreo, 12, Hebreo 4:12 no milaza hoe, “Ny Tenin’Andriamanitra dia mahery lavitra, velona noho ny sabatra roa lela, ary—ary Izany koa dia Mpamantatra an’ireo eritreritra sy fisainan’ny fo.” Diniho vetivety fotsiny ankehitriny.

¹⁵⁸ Rehefa nanomboka ny Asam-panompoany voalohany Izy, taorian’ny Nahatongavany mba haneho fa Izy no Teny, rehefa nivoaka avy tany an-efitra avy tamin’ny Fakam-panahiny Izy, dia nisy lehilahy iray nantsoina hoe Petera, ny anarany tamin’izany dia Simona. Ary nanatona an'i Jesosy izy niaraka tamin’ny rahalahiny, Andrea. Ary vantany vao niditra tao amin'ny Fanatrehan’i Jesosy Kristy izy, dia hoy Jesosy hoe, “Ny anaranao dia Simona. Ary ny an’ny rainao dia Jonasy. Manomboka izao ianao dia hantsoina hoe Petera.” Izany no nanaporofa fa Izy no Teny, satria ny Teny dia Mpamantatra iray an’ireo eritreritra sy fisainan’ny fo. Izy no Teny.

¹⁵⁹ Nahita an’izany nitranga i Filipo. Nandeha nanodidina ny tendrombohitra izy, nandeha andro iray, ary niverina. Ary nitondra sakaiza iray niaraka taminy izy nantsoina hoe Natanaela. Dia hoy izy hoe, “Tena mitranga marina tokoa ireo

zavatra ireo. Hoy i Mosesy hoe ‘ny Tompo Andriamanitsika dia hanangana Mpaminany iray’ tahaka azy, ary indro eto ilay Lehilahy. Nahoana, niteny tamin’i Simona Izzy hoe iza izy, na dia izay naha-izy ny rainy aza, ary fantatray fa izay Lazainy dia ny fahamarinana. Satria, Andriamanitra no nilaza an’izany ao amin’ny Teny, ary indro fa voaporofo izany hoe tsy maintsy nanao an’izany Izzy, ary izany no manaporofo fa io no Mesia.”

¹⁶⁰ Ary rehefa niditra teo amin’Ny Fanatrehany izy, dia niteny taminy Jesosy, nanao hoe, “Indro ny Isiraelita iray, izay tsy misy fitaka ao aminy.”

¹⁶¹ Hoy izy hoe, “Raby, oviana no Nahafantaranao ahy?”

¹⁶² Hoy Izzy, “Talohan’ny niantsoan’i Filipo anao, rehefa teo ambanin’ny hazo ianao, dia efa nahita anao Aho.” Nanaporof Ny Teniny Izzy. Nanaporof Ny Tenin’Andriamanitra Izzy. Nanaporof Izzy.

¹⁶³ Ilay vehivavy teo amin’ny fantsakana, rehefa nanana izy... Eny, nangataka taminy Izzy mba hamela Azy hahazo rano hosotroina avy tamin’ilay fanovozana izay nisintonany rano avy tao amin’ilay fantsakana, ka hoy izy hoe, “Tsy fanao ho anareo Jiosy ny mangataka zavatra iray tahaka an’izany aminay vehivavy Samaritana, satria tsy manana fifandraisana isika.”

¹⁶⁴ Hoy Izzy hoe, “Fa raha fantatralo hoe Iza no iresahanao, dia ianao no hangataka Amiko hosotroina.”

Hoy izy hoe, “Lalina ny fantsakana.”

¹⁶⁵ Ary ilay fifampiresahana, raha nitohy ilay izy, farany dia Hitany hoe inona ny olany. Dia hoy Izzy hoe, “Mandehana alaivo ny vadinao, ka tongava eto.”

Hoy izy hoe, “Tsy manana vady mihitsy aho.”

¹⁶⁶ Hoy Izzy, “Nilaza ny fahamarinana ianao, satria efa nanana dimy ianao, ary ilay anankiray izay iarahanao miaina ankehitriny dia tsy vadinao.”

¹⁶⁷ “Eny,” hoy izy, “tompoko, hitako fa mpaminany Ianao.” Izzy... “Efa tsy nanana anankiray izahay nandritry ny efajato taona, fantatralo.” Hoy izy, “Hitako fa mpaminany Ianao. Ankehitriny, fantatray fa rehefa tonga ny Mesia, izay antsoina hoe ilay Kristy, rehefa tonga Izzy, dia Izzy no hiteny aminay an’ireo karazan-javatra ireo. Izany no ho Famantarany.”

¹⁶⁸ Rehefa hoy Izzy hoe, “Izaho izay miresaka aminao no Izzy,” dia nanaporof Ny Teniny Izzy. Izzy... manaporof an’izay Nolazainy fa haha-izy azy isika. Izzy no Mesia, ilay Zanak’Andriamanitra.

¹⁶⁹ Ankehitriny dia hitantsika, ihany koa, fa ity vehivavy kely ity izay tratran’io fitsiha-drà io, izay nikasika ny Lambany, izany koa no nanaporof taminy fa Izzy no Tenin’Andriamanitra.

¹⁷⁰ Tsarovy ankehitriny, izao hariva izao, Jesosy dia nilaza... . Izao koa, ao amin’ny Hebreo, 1, Hebreo ny toko faha-3, mino aho

fa izay ilay izy, nilaza Izy fa, "Izy ankehitriny dia Mpisoronabe iray," ity taona izay iainantsika ankehitriny ity, "Mpisoronabe iray mipetraka ao amin'ny Fiandrianan'Andriamanitra, any Andrianitra, izay azo kasihan'ny fahatsapan'ny fahalementsika."

¹⁷¹ Hoy Hebreo 13:8 hoe, "Izy no tsy miova, omaly, anio, ary mandrakizay." Izy no Andriamanitra tsy miova izay na ha-izy Azy tamin'izany. Tsy miova Izy izao hariva izao.

¹⁷² Masindahy Jaona 14:12, hoy Izy hoe, "Izay mino Ahy, ireo asa izay Ataoko no hataony koa. Mihoatra noho izany aza no hataony, satria mankany amin'Ny Raiko Aho." Hitanareo? "Izay mino Ahy, ireo asa izay Ataoko no hataony koa."

¹⁷³ Ao amin'ny Matio 28, hoy Izy hoe, "Vetivety foana dia tsy hahita Ahy intsony izao tontolo izao, fa ianareo no hahita Ahy, satria homba anareo Aho na dia hatramin'ny fahataperan'izao tontolo izao aza."

¹⁷⁴ Jesosy Kristy no tsy miova omaly, anio, ary mandrakizay. Mitsangana Izy, izao hariva izao, mba hanaporofo Ny Teniny. (Tapitra ny fotoako.) Fa Noporofoiny fa afaka Izy. Nanaporofo Ny Teniny Izy tamin'izany, an'izay Nampanantenainy ho an'izany andro izany. Nanaporofo an'ireo tenin'i Isaia Izy. Nanaporofo an'ireo tenin'i Noa Izy. Nanaporofo an'ireo tenin'i Mosesy Izy. Nanaporofo ny tenin'ireo mpaminany tsirairay avy Izy.

¹⁷⁵ Nampanantena an'izany Izy amin'ity andro ity, ny andro izay iainantsika, fa ho ao amin'ny toeran'i Sodoma izao tontolo izao, lehilahy manambady lehilahy. Jereo fotsiny izany ao amin'ilay izao tontolo izao amin'izao andro izao, manerana an'izao tontolo rehetra izao izay noteteziko; tsy eto fotsiny ihany, hatraiza hatraiza. Zava-doza izany. Any Suède, ireo lehilahy sy vehivavy tanora mandeha manao ski, miboridana. Ary ireo any Alemaima sy any Frantsa, ary na aiza na aiza any an-kafa, ilay izy dia saiky karazana fahalotoana iray fotsiny izay ananantsika eto Etazonia. Taona iray ilay izy. Izaho, raha manana anjara iray hiverenana aho, dia ho tiako ny hiresaka eo amin'ny iray amin'ireo zavatra ara-paminaniana, aminareo, mba haneho an'izany aminareo, ilay taona izay iainantsika. Ny Baiboly no nilaza fa, "Ireo ankizy no hanapaka ny raiamandreniny."

¹⁷⁶ [Elanelana tsy voaraki-peo—Mpand.] . . . Teny.

¹⁷⁷ Fa, tsarovy, Abrahama dia nanana taranaka iray, izany dia Isaka ilay taranaka. Nanana taranaka hafa izy taorian'ny fahafatesan'i Saraha. Ary dimy amby efapolo amby zato taona izy, nanambady vehivavy iray hafa, nanana zanakalahy fito ankoatry ny zanakavavy, satria namerina azy ho lehilahy tanora indray Andriamanitra fony izy zato taona. Dimy amby efapolo taona fotsiny indray izy tamin'izany, koa noho izany izy . . . Fantatsika izany. Efa nitory an'izany taminareo aho teto California, taona maro lasa izay.

¹⁷⁸ Ary azontsika ankehitriny fa ny Taranak'i Abrahama dia tsy ilay taranaka ara-pananahana ara-bakiteny tamin'ny alàlan'i Saraha, izay Isaka, izay nanao firenena iray, fa ilay Taranaka mpanjaka tamin'ny alàlan'ny teny fikasana, dia Jesosy Kristy. Ary tamin'ny alàlan'io Taranaka io, no Nananganany Taranaka mpanjaka iray. Oh, oadray! Fisoronam-panjaka iray isika ankehitriny, firenem-panjaka iray, firenena masina iray, manolotra ny dera ho an'Andriamanitra, ny fanatitra avy amin'ny molotsika no manome dera ho an'Ny Anarany. Nanaporof Ny Teniny Andriamanitra, nandatsaka ny Fanahy Masina teo amintsika Izzy.

¹⁷⁹ Hoy Izzy hoe, “Tahaka ny tamin'ny andron'i Sodoma, dia ho toy izany koa rehefa ho voambara ny Zanak'olona.” Efa voamarikareo ve ankehitriny? Avy tamin'ny Zanak'Andriamanitra, talohan'ny nahalasa Azy ho Zanak'i Davida mihitsy, dia manambara ny Tenany indray ho Zanak'olona Izzy. Efa voamarikareo ve ny Soratra?

¹⁸⁰ Satria, manao foana Izzy, tsy manao na inona na inona mihitsy Izzy raha tsy mampahafantatra an'izany amin'ireo mpaminany Mpanompony Izzy. Marina tokoa izany. Izany no Fampanantenany. Hitanareo? Tsy manao na inona na inona mihitsy Izzy...tsy afaka mandainga Andriamanitra. Manambara an'izany foana Izzy, aloha, alohan'ny Anaovany an'izany.

¹⁸¹ Jereo ilay zava-misy izay ipetrahantsika amin'izao andro izao. Jereo hoe aiza no misy antsika. Ny tsirairay avy aminareo dia hanaiky fa ao amin'i Sodoma moderina iray isika. Fantatrareo fa ity firenena ity dia ao anatiny ho an'izany. Misy ny...any ankoatry ny fanantenana; tsy misy famonjena tavela ho an'ity firenena ity na tsy misy ho an'ny firenena hafa. Any ankoatran'izany isika ankehitriny. Ireo faminaniana izay naminaniana mikasika an'ity, dia tanteraka. Eo am-pitsimponana Andriamanitra, mitady an'ilay ondry farany na aiza na aiza misy azy. Hiditra izany rehetra izany, indray andro any. Eo amin'ny andro farany isika. Jereo, ara-toerana.

¹⁸² Mangataka anareo aho, amin'ny maha-rahalahy na anabavy iray fotsiny, mba hanorina finoana betsaka vetivety fotsiny alohan'ny hivavahantsika ho an'ireto olona ireto. Ary fantattro fa tsy voatery handeha amin'ny fotoana marina mihitsy isika. Fa izaho—izaho—te-hanomboka an'ilay laharam-bavaka aho, avy eo ianareo izay tsy maintsy handeha dia afaka mandeha amin'izay fotoana izay. Hitanareo? Ianareo izay te-hijanona ao amin'ilay laharam-bavaka dia afaka mijanona. Fa mamelà ahy fotsiny, amin'ny maha-rahalahy iray, hanondro zavatra iray aminareo vetivety fotsiny.

¹⁸³ Diniho Jesosy, ao amin'ny Lioka 17:30, hitanareo, rehefa nilaza mikasika ny andro farany Izzy tany, hoe ahoana fa hitovy tahaka ny tamin'ny andron'i Noa izy ireo. Avy eo dia hoy Izzy

hoe, "Ary tahaka, mitovy, tamin'ny andron'i Sodoma," hoy Izy, "rehefa voambara ny Zanak'olona." Ilay Zanak'olona indray, tsy Zanak'Andriamanitra. "Zanak'olona," hitanareo, izay mitondra ao amin'ny Malakia 4 indray, miverina avy hatrany mihitsy. Ireo faminaniana hafa rehetra ireo dia miditra ao, ahoana no tokony hahavita an'izany. Manaporofa Ny Teniny ho marina Izy. Marina izany.

¹⁸⁴ Ary mariho, eo am-panaovana an'izany, ahoana no Handatsahany Ny Fanahiny amin'ny nofo rehetra, ary inona no hiseho, ahoana no hiverenan'ilay famerenana. "Ary ny zanakalahinareo sy ny zanakavavinareo haminany. Eo amin'ireo Mpanompolahiko sy mpanompovaviko no Handatsahako Ny Fanahiko. Ary haneho famantarana eny amin'ny lanitra ambony Aho."

¹⁸⁵ Manana sary iray aho eto, an-dRahalahy Lee Vayle eto. Tiako ny haneho aminareo fotsiny an'izay niseho tany ambonin'ny tendrombohitra, indray andro, rehefa navoaka ireo ankizin'ny sekoly rehetra, talohan'ity lohateny lehibe ity an'ny fisokafana, ireo Tombokase Fito. Rehefa navoaka ireo ankizin'ny sekoly, nivavaka aho tany ambony tany, indro nisy Afo tao anatin'ny lantonoara iray fotsiny nidina, avy eo dia niverina niakatra ary nipoaka, dia niverina ary niverina nidina indray. Izany ilay Nilazany an'izay handehanana ho tenenina amin'ny olona. Isika... Io Izy, rehefa ireo sekolin'i Tucson... sy izay Niakarany tany amin'ny habakabaka.

¹⁸⁶ Ary ny siansa no naka an'ireo sary, sy ny sisa, ka nanontany mikasika an'Izany. Hoy izy ireo hoe, "Aiza no misy an'Izany? Inona no nitranga?" Tsy mety azon'izy ireo izany, hitanareo. Oh, tsy natao teny amin'ny zorony iray izany, ilay fieritreretana nohamainina fotsiny. Izany tsy mihitsy... Jesosy, rehefa teto Izy, dia nisy olona an-tapitrisany tsy nahafantatra mihitsy fa teto an-tany Izy. Hia. Hisy an-tapitrisany amin'izao andro izao no tsy hahazo, am-polony tapitrisa amin'izy ireo.

¹⁸⁷ Saingy hisy, ho an'ireo Izay nanirahana Azy, izy ireo no hahazo. "Hahafantatra ny Andriamaniny ny hendry amin'izany fotoana izany, ary hanao zava-dehibe izy ireo." Fantatsika izany, ilay ora izay iainantsika ankehitriny.

¹⁸⁸ Jereo i Sodoma ankehitriny, jereo izay nitranga. Hoy Izy hoe, "Tahaka ny tamin'ny andron'i Sodoma." Nisy vondron'olona iray izay niandry zanaka nampanantenaina iray. Mino an'izany isika. Abrahama sy ny vondrony izany. Nisy andiana matimaty iray, Lota, mpiverin-dàlana tapany, kanefa mpino iray; tany Sodoma. Kilasin'olona telo.

¹⁸⁹ Misy foana ireo kilasy telo ireo. Ny olon'i Hama, Sema, Jafeta. Izao koa, mpino, mody-mpino, ary tsi-mpino. Hatraiza hatraiza izy ireo, ary isika—mahita azy ireo isika ao amin'ny vondrona tsirairay. Ary, hatraiza hatraiza, dia mahita azy

ireo ianareo. Ary mbola eto foana ireo vondrona ireo. Tsy maintsy manasaraka an'izany ianareo. Afaka mitondra an'izany manerana ny Soratra mihitsy ianareo, mifanaraka tsara ao mihitsy.

¹⁹⁰ Henoy ity. Jereo izay ipetrahantsika, ara-toerana sy arapaminaniana, izao hariva izao. Ankehitriny, ny tsirairay avy amintsika dia mahafantatra fa ao amin'ny toerana Sodomita iray no misy an'izao tontolo izao.

¹⁹¹ Fantatsika ny faminaniana rehetra mikasika an'i Isiraely, izay ao an-tanindrazany. Raha te-hahafantatra ianareo hoe aiza no ijoroantsika ara-toerana, dia diniho Isiraely, aiza no misy azy.

¹⁹² Raha te-hahafantatra ianareo hoe toerana inona no misy ny fiangonana, dia diniho ny fomba ihetsehan'ireo vehivavy. Izy no fiangonana. Hitanareo izy, ratsy fitondran-tena, tsy maotina; diniho, jereo hoe aiza no misy ny fiangonana. Diniho fotsiny izy, hitanareo, hitanareo, diniho fotsiny ireo vehivavy. Hitanareo hoe aiza, ahoana no ietren'ireo vehivavinareo ary lasa tena simba, tahaka an'izany ny fiangonanareo, hitanareo, ilay tandindona.

¹⁹³ Diniho izay misy an'i Isiraely, dia mahita ny tarehimarika izay misy ianareo hoe aiza no misy antsika. Hitanareo, diniho fotsiny ireo famantarana sy fahagagana. Raha ianareo—raha ianareo, na raha misokatra ny masonareo, dia jereo hoe aiza no misy antsika.

¹⁹⁴ Ankehitriny diniho ara-toerana hoe aiza isika no mipetraka, ao amin'ny toeran'i Sodoma izao tontolo izao. Mariho ankehitriny, "tahaka ny tamin'ny." Mariho ankehitriny, nisy olona, tamin'izany andro izany, izay niandry ny fihavian'ny zanaka nampanantenaina iray. Abrahama sy Saraha, niandry zanaka iray nampanantenaina izy ireo tao amin'ny vondron'i Abrahama. Tsy tany Sodoma izy ireo. Fa tamin'ilay fotoana mihitsy, ilay toko faran'ilay zava-mitranga, alohan'ny nahatongavan'ilay zanaka nampanantenaina mihitsy, dia nisy lehilahy telo nidina avy tany An-danitra, Anjely iray... Anjely roa sy Andriamanitra. Ary nidina izy ireo ka niresaka tamin'i Abrahama, teo ambanin'ny ôka. Marina ve izany? [Hoy ny fiangonana hoe, "Amena!"—Mpand.] Ary ny roa tamin'izy ireo dia nidina nankany Sodoma ka niantsoantso nanohitra an'ireo fahotan'ilay tanàna. Ary talohan'ny nandorana an'ilay tontolo Jentilisa mihitsy izany, tamin'izany fotoana izany. Levona teo no ho eo i Sodoma. Vitsy fotsiny no voasintona nivoaka, Lota sy ireo zananivavy roa. Tsy nahavita an'izany mihitsy akory aza ny vadiny; nitodika izy. Toy ny ahoana no itiavako banana fotoana hanehoana aminareo an'izany izao ankehitriny izao, hoe aiza no ijoroan'ity fiangonana ity ao amin'io toerana io. Tiako ianareo hanamarika ankehitriny.

¹⁹⁵ Ary Lehilahy anankiray no nijanona tany aoriana, izay niresaka tamin'i Abrahama, ary nanao famantarana iray tamin'i Abrahama Izy. Ary, diniho, nahita an'Andriamanitra tao anatin'ny famantarana lehibe maro i Abrahama. Mino an'izany isika, sa tsy izany? [Hoy ny fiangonana hoe, "Amena."—Mpand.] Talohan'ny fihavian'ilay zanaka mihitsy. Fa talohan'ny nanehoana an'ilay zanaka, dia nisy famantarana iray izay nomena azy.

¹⁹⁶ Satria, ilay Zanaka, ilay tena Zanaka, dia tsy maintsy ho ilay Zanak'Andriamanitra, tamin'ny alàlan'ny finoan'i Abrahama, hitanareo, dia Jesosy. Isika satria taranak'i Abrahama, maty tao amin'i Kristy, dia isika no taranak'i Abrahama.

¹⁹⁷ Mariho ankehitriny fa mialoha indrindra ny nisehoan'izany, no hihavian'io zanaka io. Ankehitriny, ity Anankiray ity dia nijanona ary niresaka tamin'i Abrahama, nanatodika ny Lamosiny nankany amin'ny tranolay, ka hoy Izy hoe, "Abrahama." Ankehitriny, andro iray fotsiny talohan'izany, dia Abrama izy. Ankehitriny dia hoy Izy hoe, "Abrahama, aiza ny vadinao, Saraha?" tsy Saray, S-a-r-a-y. S-a-r-a-h-a, andriambavy. "Aiza ny vadinao, Saraha?"

Hoy izy, "Ao anatin'ny tranolay Aorianao izy."

¹⁹⁸ Hoy Izy hoe, "Hamangy anao Aho, hitanao, araka ny Fampanantenako izay Nataoko taminao." Amin'ny teny hafa, "Amin'ny andron'aina, dia hanomboka ny andron'ainy tsotra indray i Saraha."

¹⁹⁹ Ary Saraha, satria antitra, zato taona anankiray ankehitriny, tao anatin'ny tranolay, dia nihomehy anakampo. Hitanareo, nitsiky irevy izy, nanao hoe, "Ahoana no mety hahamarina ny an'io Lehilahy io? Hitanao, izaho vehivavy antitra iray, Abrahama tompokeo ao ivelany ao, antitra ihany koa, ny resaka ara-pianakaviana efa tapitra nandrity ny taona maro." Hoy izy, "Ahoana no mba ahafahako hanana hafaliana indray miaraka amin'ny tompokeo? Izy efa antitra, ary izaho antitra, tsy miteraka intsony, ireo lalà-nono maty, ny rehetra... 'Maina tanteraka izy.' Ahoana no mba ahafahanay hanana fifaliana indray?"

²⁰⁰ Ary io Lehilahy io, niaraka tamin'ny Lamosiny nitodika nankany amin'ny tranolay, nanao hoe, "Nahoana no nihomehy i Saraha, nanao hoe, 'Ahoana no ahafahan'ireo zavatra ireo hisy?'" Inona izany? Famantarana, ara-paminaniana iray! Hitanareo? Hitanareo? Izany no hitany.

²⁰¹ Ankehitriny dia hoy Izy hoe, "Hiverina indray izany, ary ny Zanak'olona," iza izany, izany no ilay Zanak'olona teo mihitsy. Eny, izy dia niantso Azy hoe Elohim, "Tompo Andriamanitra." Elohim, ny olona rehetra dia mahafantatra fa marina izany, Elohim dia ny Tompo Andriamanitra. "Tamin'ny voalohany Elohim nanao ny lanitra sy ny tany," ilay Anankiray ampy

tanteraka. Ilay Zanak'olona tonga nofo, io Izy nitsangana teo tao anatin'ny nofo tamin'izany fotoana izany, tahaka ny teofania iray, nitsangana teo namantatra an'izay nolazain'i Saraha tao anatin'ny tranolay Taoriany. Izy no nampanantena. Diniho. Ilay Taranaka Mpanjakan'i Abrahama dia nampanantenaina hahita an'io zavatra iray io ihany.

²⁰² Fa mariho i Lota, izy dia nanana iraka iray tany, ihany koa, nandeha nankany ny roa tamin'izy ireo. Nidina ny iray tamin'izy ireo, ary ilay iray hafa nandeha niaraka taminy, ary nitory teny sy miantso ny olona handositra ny fahatezerana izay ho avy izy ireo.

²⁰³ Ara-toerana, dia tsy mbola nipetraka tao amin'io toerana io mihitsy izao tontolo izao, nanomboka tamin'io andro izay nanaovan'i Jesosy an'ilay teny fikasana io, hatramin'izao ankehitriny izao. Te-hanontany mpahay tantara iray aho izay mety ato anatin'ny tranobe, na raha mba mandre an'ity horonam-peo ity ianareo, ka mandre an'izany amin'ny fotoana rehetra, dia manorata aty amiko azafady. Nianatra ny tantara aho ankehitriny nandrity ny telopolo taona teo, ny tantaran'ny Baiboly, fa tsy nisy olona iray mihitsy izay hany hitako tao amin'ny tantara rehetra an'ny fiangonana, nandritr'ireo taompiangonana fito. Fa ao amin'i Laodikia isika ankehitriny, ary fantatsika izany.

²⁰⁴ Tsy nisy iraka iray mihitsy, izay hany nandeha nankany amin'ny fiangonana manontolo, niaraka tamin'ny anarany nifarana tamin'ny h-a-m, hatramin'izao. G-r-a-h-a-m, Billy Graham. Efa nisy an'i Moody, Finney, Sankey, Knox, Luther, sy ny sisa, fa tsy h-a-m iray mihitsy, "rain'ny firenena." Tsarovy ankehitriny, izy dia G-r-a-h-a-m, litera enina. Fa A-b-r-a-h-a-m dia litera fito. Mariho, any izy ireo, Billy Graham, mandeha any amin'ireo—ireo ampahany rehetra an'izao tontolo izao, ary miantso hivoaka an'i Sodoma hoe, "Mivoaha, madosira an'ilay fahatezerana izay ho avy." Tsy misy olona iray izay fantatro, ao amin'ny saha, izay mihazona an'Andriamanitra, eo amin'io tenin'ny fanamarinana io, tahaka an'i Billy Graham. Afaka maneho an'izany izy. Tsy tena teolojiana izy... Ataoko fa teolojiana iray izy, saingy tsy tena mpampianatra mahery iray. Fa momba azy Andriamanitra. Hitsangana eo io lehilahy io miaraka amin'ny tahaka ny lesон'ny sekoly Alahady iray, hihazona an'ireo olona ireo ho variana. Izy no mpanompon'Andriamanitra an'ilay ora. Ho an'iza? Ilay fiangonana ara-boajanahary, izay any Sodoma.

²⁰⁵ Fa tsarovy, nisy fiangonana ara-panahy anankiray, izay tsy tao anatin'io andiany ara-anaram-piangonana io, mihitsy koa. Andiana nantsoina hivoaka, ary izy ireo dia nandray hafatra iray, ihany koa, sy iraka iray. Ary inona izany? Famantarana an'ireo eritreritra izay tao anatin'ny fo. Manaporof Ny Teniny foana Andriamanitra.

²⁰⁶ Ndao isika hivavaka. Ray any An-danitra Malala, ity fotoana manan-danja ity, izay tsy maintsy handraisana fanapahankevitra, mandeha ny fotoana, tsy fantatray hoe amin'ny firy no mety ho tonga ny Tomponay. Ary satria mahita an'ireto faminaniana izay Nataony ireto izahay, tamin'ny alàlan'ireo Mpaminaninao nanerana an'ireo taona, izay eo am-pisehoana ankehitriny. O Andriamanitra, toy ny ahoana no isaorako Anao ny amin'ity, fa na dia ny lehilahy tena mahay aza, lehilahy mahay amin'ny—amin'ny teolojia, izay afaka mitsangana manohitra ny famitahan'izao tontolo izao sy ireo tsi-mpino, ary eo amin'ireo nasaina, ary any ankoatry ny aloky ny fisalasalana dia mitsangana eo sahy sy mahery fo, mahafantatra hoe aiza izy ireo no mitsangana ary manaporofo an'ity Teny ity ho marina, amin'ny alàlan'ireo Soratra. Ary avy eo izahay izay miandry Ny Fihavianao, Tompo, mino an'ireo zavatra hafa izay efa naminaniana fa hiseho, mitsangana sy mifaly mahita Anao mandeha eo anivonay mihitsy ary manao an'ilay tena zavatra mihitsy izay Nolazainao fa hiseho, manaporofo Ny Teninao ho marina. Andriamanitra Mandrakizay, mipetraka eto ireo Zanakao marary.

²⁰⁷ Tsy fantatroy hoe fotoana firy no mbola tsy maintsy hiasanay. Eo am-pilentehana ilay masoandron'ny hariva. Fa Ianao no nampanantena, tamin'ilay mpaminany hoe, "Hisy Hazavana amin'ny andro hariva." Ary hitanay fa ilay masoandro iray ihany izay mipozaka any atsinanana, no ilay anankiray izay milentika any andrefana. Nandeha niaraka tamin'ny masoandro ny fandrosoana ary eto amin'ny Morontsiraka Andrefana izahay ankehitriny, ary mandeha miaraka amin'ny fandrosoana ny Filazantsara. Ankehitriny, Ray, fantatray fa izao no fiafarany'ny Filazantsara, ilay fiafarany'ny fotoana, ilay fiafarany'ny taona. Manjavona mankao amin'ny Mandrakizay izy. Fa Ianao no nampanantena fa hiseho ilay Zanaka, ho voambara ny Zanak'olona. Amin'ny andro farany, dia hiseho izany. Tonga ireo Hazavan'ny hariva, Ray. Misaotra Anao izahay ny amin'izany. Ary satria manetry tena izany, kanefa Ianao no manao azy ho tena tsotra, imbetsaka, ka mandalo eo anttampon'ireo mody-antsoina hoe mpieritreritra lalina, malaza izany, ary manambara azy amin'ireo zaza izay te-hianatra.

²⁰⁸ Mivavaka aho, Andriamanitra, mba Hanaovanao azy tahaka an'izany, izao hariva izao, mba hahitan'ireo Zanakao mampalahelo marary eto ny teny fikasan'Andriamanitra, ka ho sitrana ny tsirairay avy amin'izy ireo, ary hivoaka avy eto, rahampitso, miaraka amin'ny vatana vaovao matanjaka, ary ho salama indray. Ekeo izany, Tompo, mba ahafahan'izy ireo mitondra ny Hafatra avy amin'ny anankiray mankany amin'ny hafa, mandra-piditr'ilay anankiray farany ao amin'ny vala, ary amin'izay fotoana izay dia hikatona ireo varavarana. Ampio izahay, Andriamanitra malala. Mangataka Aminao aho, izao

hariva izao, eo anatrehan’ity rehetra ity, raha hanao indray mandeha fotsiny indray Ianao, Ray, ho ahy.

²⁰⁹ Ilay izy—ilay izy toa, indray hariva, tsy nahamarika loatra an’izany mihitsy ny olona. Fa, mivavaka aho, aoka hitranga indray izany izao hariva izao, Tompo. Satria, efa nihoatra ny fotoako voatsinjara hitenenana aho, saingy tsy fantattro hoe mbola hatramin’ny oviana no tsy maintsy hanaovanay an’ity. Noho izany, mivavaka aho, Ray, handre ahy ve Ianao? Ary henoy ny vavak’ireto lehilahy sy vehivavy mpivavaka izay mipetraka eto ireto izao hariva izao, izay feno Ny Fanahinao. Mpino izy ireo, Tompo, afaka miasa mihitsy eo anivon’izy ireo Ianao. Ary izahay dia... Mivavaka aho mba Hanamarinanao Ny Teninao izay Nolazainao hoe, “Izay mino Ahy, ireo asa izay Ataoko no hataony koa.” Aoka hisy indray izany, Jesosy, mba hanaporofo fa Ianao no tsy miova omaly, anio, ary mandrakizay. Mangataka an’izany ho an’ny voninahitr’Andriamanitra aho, amin’ny Anaran’Ny Zanany, Jesosy Kristy. Amena.

²¹⁰ Ankehitriny, mandritry ny fotoana fohy fotsiny, dia tiako ny hahafantatra hoe olona firy ato no manana karatra fangataham-bavaka. Izaho—tiako ianareo hanangana ny tànanareo, ny tsirairay avy aminareo izay manana karatra fangataham-bavaka. Eny, ny ankapobeny ilay izy, heveriko, saiky ny rehetra manerana mihitsy.

²¹¹ Manontany aho hoe olona firy ato no tsy manana karatra fangataham-bavaka, kanefa marary ianareo, hanangana ny tànanareo ve ianareo ka hanao hoe, “Tsy manana karatra fangataham-bavaka aho, kanefa marary. Manana ilaina aho.”

²¹² Te-hangataka anareo mba hanaja mandritry ny fotoana fohy aho. Ankehitriny, tiako ny miresaka aminareo. Izay foana no olako, miresaka ela loatra aho. Fa alohan’ny hanatonanareo, izaho—hanantena aho ary hatoky fa hanaporofo an’izao sy izay nolazaiko ho ny Fahamarinana Andriamanitra, ka hamela—hamela Azy hahita fotsiny.

²¹³ Ankehitriny, firy no mipetraka eo izay marary, izay mahafantatra fa tsy mahafantatra zavatra anankiray mikasika anareo aho, atsangano ny tànanareo. Jereo fotsiny io. Eny àry.

²¹⁴ Ianareo tsy manana karatra fangataham-bavaka no ilaiko ankehitriny. Ho antsoina ireo karatra fangataham-bavaka. Tiako ianareo hivavaka.

²¹⁵ Hoy ny Baiboly hoe, “Jesosy Kristy no tsy miova omaly, anio, ary mandrakizay.” Hoy Izy hoe, “Izy no Mpisoronabe mipetraka eo manao fanelanelanana eo amin’ny fiaikentsika.” Tsy maintsy miaiky an’ilay izy aloha isika, alohan’ny Ahafahany ho Mpisoronabe, satria manelanelana fotsiny eo amin’ny fiaikentsika Izy. Marina ve izany, ry rahalahy mpitoriteny? [Hoy ireo mpitoriteny hoe, “Amena.”—Mpand.] Hitanareo, manelanelana eo amin’ny fiaikentsika fotsiny Izy, izay

iaikentsika fa maha-izy Azy, izay efa Nataony ho antsika. Tsy izay *mbola* Hataony. Efa Nataony izany. Tsy maintsy miaiky isika fa efa Nataony izany. “Izy dia voalefona nohon’ny helotsika, tamin’ireo Dian-kapony no nahasitranana antsika.”

²¹⁶ Ankehitriny, ny Ray any An-danitra no mahafantatra. Ary eo am-pijerena anareo, dia hitako fa mahafantatra sakaiza tsara iray avy any Ohio aho, izy sy ny vadiny mipetraka eto, dia Atoa. Dauch sy ny vadiny. Ary mino aho, mipetraka eo amin’ny faharoa na fahatelo avy eo amin’izy ireo, dia io Reverà io indray, Atoa. Blair izay efa hitako omaly hariva. Maizina ny eo amin’ny mpanatrika, ho ahy, noho ireto jiro eto ireto dia somary manjavozavo kely ilay izy ho ahy, ary izaho—tsy mahita anareo tsara loatra aho.

²¹⁷ Fa tiako ianareo hivavaka. Ary apetraho eo amin’ny fonareo ny zavatra izay ilainareo, ka angataho amin’ny Mpisoronabentsika, Izay azo kasihan’ny fahatsapan’ny fahalementsika.

²¹⁸ Ankehitriny, izaho tsy mahafantatra anareo, ary afaka mikasika ahy manerana ny rehetra ianareo, tahaka ny mikasika ny rahalahinareo, ny vadinareo, ny pasiteranareo, olona iray, izany tsy—tsy hahavita soa izany. Fa raha mikasika Azy ianareo, ary raha milahatra amin’Ny Fanahiny marina tokoa isika, amin’izay fotoana izay dia afaka mampiasa ny finoanareo hikasihana Azy Izy, ary hamaly amin’ny alàlan’ny fanomezam-pahasoavako.

²¹⁹ Hitanareo, ho moana mihitsy tahaka an’ity aho, ity dia *eto*, raha tsy misy feo iray miteny amin’ny alàlan. Tsy maintsy... Ity, ity dia moana raha tsy misy zavatra iray eto hiteny amin’ny alàlan. Ary toy izany koa ny olona rehetra, dia moana, rehefa tonga eo amin’ireo zavatra ireto, raha tsy Andriamanitra no miteny amin’ny alàlan’izy ireo.

²²⁰ Ankehitriny mivavaha, ary ndao jerentsika raha ny fahamarinana ireo zavatra izay nolazaiko ireo. Andriamanitra anie hanampy mba ho toy izany ilay izy. Tsy milaza aho hoe hanao Izy. Manantena aho fa hanao Izy. Matoky aho fa hanao Izy. Tsy mbola nandiso fanantenana ahy mihitsy Izy, nandritr’ireo taona maro, nanerana sy nanodidina an’izao tontolo izao, tamin’ireo karazana firenena rehetra, sy olona an-tapitrisany. Tsy mbola nandiso ahy mihitsy Izy. Ary azoko antoka, azoko antoka mihitsy tahaka ny inoako fa mitsangana eto aho, fa tsy handiso ahy mihitsy Izy ankehitriny.

²²¹ Hangataka aminareo aho mba hanaja fotsiny sy hanohy hipetraka, mandritry ny fotoana fohy fotsiny. Hampirava ny mpanatrika lehibe isika ary hivavaka ho an’ny marary, vetivety fotsiny.

²²² Fa tiako ianareo, ianareo mpino, mba tsy hijery ahy fotsiny, fa hino. Manaova hoe, “Mino aho fa izay nolazain’ilay lehilahy

dia ny Soratra. Tsy fantattro raha lasa lavitra amin'ilay ora isika araka ny lazainy fa izany isika. Fa, raha izany ilay izy, amin'izay fotoana izay dia tsy maintsy mitranga ilay izy. Raha Tenin'Andriamanitra ireo Teniny, amin'izay fotoana izay, ireo teniny dia ho diso fa ireo Tenin'Andriamanitra tsy ho diso."

²²³ Voatery hanohana Ny Teniny Andriamanitra. Hanaporofo an'Izany Izzy. Hanaporofo an'Izany Izzy. "Izay mino Ahy." Noporofoiny fa izao no andro farany. Noporofoiny izay hitranga. Noporofoiny fa izao no natao hitranga.

²²⁴ Ary, tsarovy, tsy nandray famantarana anankiray amboniny avy tamin'Andriamanitra intsony i Abrahama, mandra-pahatongan'ilay zanaka nampanantenaina. Firy no mahafantatra fa marina izany? [Hoy ny fiangonana hoe, "Amena."—Mpand.] Io famantarana'ny fahafantarana io! Ary ilay Taranaka mpanjakan'i Abrahama, mamele ahy handre anareo... Mamele ahy hiteny aminareo, HOY NY TOMPO HOE, eo am-pandraisana ny famantarana'reo farany ianareo. Izany dia araka ny Soratra sy ny fanambaran'Andriamanitra izay ato am-poko, izay miteny fa izao no Fahamarinana. Ary matoky aho fa hino an'izany ho ny Fahamarinana ianareo.

²²⁵ Ankehitriny minoa. Ny olona rehetra minoa fotsiny, manova hoe, "Tompo Jesosy, avelao aho hikasika Anao. Manana ilaina iray aho ato am-poko, ary fantattro fa tsy mahafantatra na inona na inona mikasika ahy Rahalahy Branham. Tsy fantattro akory aza ilay lehilahy, tsy mahafantatra ahy izy, fa Ianao no mahafantatra. Ary raha niteny tamiko ny Fahamarinana izy, dia hitranga izany." Mangataka aminareo aho, aza mandehandeha ankehitriny, mandritry ny fotoana fohy fotsiny. Aoka ho tena...

²²⁶ Hitanareo, fanahy ianareo. Ary raisiko eo ambanin'ny fifehezako ny fanahy rehetra ato, amin'ny Anaran'i Jesosy Kristy, mba hahatanteraka Ny Teniny.

²²⁷ Aoka hanaja fotsiny ankehitriny. Mivavaha. Mijere Azy, manova hoe, "Tompo, mino an'izany aho. Ianao anie hamonjy ahy amin'ny tsi-finoako."

²²⁸ Ndaò isika hanomboka. Mila mifantoka amin'ny ampanah'ilay tranobe eto aho, satria, hitanareo, marobe aminareo, ary ny tsirairay avy aminareo dia fanahy iray.

²²⁹ Izaho tsy afaka. Hoy ianareo hoe, "Ahoana ny amiko?" Tsy afaka miteny aminareo aho. Masi-mandidy izany. Ireo asan'Andriamanitra rehetra dia masi-mandidy. Hisy olona betsaka ho sitrana manerana an'ity lampihazo ity, izao hariva izao, hisy betsaka angamba tsy ho sitrana. Izany rehetra izany dia ao amin'ny fahamasi-mandidin'Andriamanitra. Iza no afaka hiteny Aminy an'izay hatao? Tsy misy anankiray. Miasa araka ny Sitrapony Manokana Izzy, ny Drafiny Manokana.

²³⁰ Fa minoa fotsiny. Aoka hanetry tena. Aza mikorontantsaina. Atsory mankany amin'Andriamanitra fotsiny ny tānana, ka manaoa hoe, "Tompo Andriamanitra, mino an'izany aho." Hitanareo? "Avelao aho hikasika ny Lambanao. Izaho dia mila an'izao-sy-izao. Fantattro fa tsy mahafantatra ahy ilay rahalahy na mahafantatra an'izay ilaiko, fa izy no niteny taminay mikasika an'ireo zavatra izay Nataonao, ary nilaza fa eto Ianao ilay tsy miova anio."

²³¹ Tsy manilika anareo rahalahy eto amin'ny lampihazo izany, ianareo rehetra. Mangataka aminareo fotsiny aho, ry rahalahiko, amin'ny maha-mpiara miasa an'ny—an'ny Filazantsaran'i Kristy. Miresaka aminareo am-pahatsoram-po arak'izay fantattro mihitsy aho, amin'ny maha-le-lehilahy iray eo am-pahafatesana miaraka aminareo, hitanareo, handao an'ity izao tontolo izao ity. Tsy maintsy mandao isika. Ary tsy maintsy manome tatitra iray aho amin'ny Andron'ny Fitsarana, ny amin'izay lazaiko. Mahafantatra tsara an'izany aho, tena mahafantatra. Ary mankasitraka anareo lehilahy aho, izay maha-izy anareo, mitsangana eto miaraka amiko, manampy ahy. Miezaka ny hanampy anareo aho, hanao ny zavatra rehetra izay vitako, nohon'ny amin'ny Fanjakan'Andriamanitra.

Mivavaka sy mangataka aho.

²³² Indro, firy no efa mba nahita an'io Hazavana eo amin'ny sary io? Efa nahita ny sarin'Izany ve ianareo? [Hoy ny fiangonana hoe, "Amena."—Mpand.] Io Izy mihantona etsy mihitsy. Tsy afaka mahita an'Izany ve ianareo?

²³³ Izany dia eo ambonin'io ramatoa mipetraka miaraka amin'ny mosarany eo io. Mivavaka ho an'ny malala iray izy. Marina izany, ramatoa. [Hoy ilay ramatoa hoe, "Marina izany, Ranadahy Branham."—Mpand.] Io malala iray io... Mino ahy ho Mpaminaniny ve ianao, na mamelà ahy, Mpanompony? ["Azo antoka fa mino aho."] Mino an'izany ve ianao? Eny àry. Ankehitriny, raha afaka manambara amiko an'izay tsy mety Andriamanitra, nahoana, hanaiky an'izany ho avy amin'Andriamanitra ve ianao, tahaka an'ilay vehivavy izay nikasika ny Lambany mihitsy? Ankehitriny, fantatralo fa ianao dia—ianao dia roapolo na telopolo dian-tongotra avy eto amiko, na mihoatra, tsy nikasika ahy mihitsy ianao. Fa nikasika Zavatra ianao, ka fantatralo fa mifandray amin'ny Zavatra iray ianao, Olona iray. Inona ilay izy, ilay izy dia ho an'ny vehivavy iray, izay zanakao vavy. Marina izany. Mino ve ianao fa ho salama izy? Mpidoroka iray izy. ["Marina izany."] Marina tokoa izany. ["Marina izany, ranadahy."] Mahita azy fanina aho, mamo. Hitanao? Ankehitriny, ilay mosara izay eny an-tānanaao, apetraho eo aminy, ka aza misalasala. Mino aho fa hanafaka azy Andriamanitra. Hino miaraka amiko ve ianao? Amena. ["Oh! Misaotra Anao, Jésosy!"]

²³⁴ Ankehitriny, tsy fantatro ilay vehivavy, fa Andriamanitra no mahafantatra azy. Mino amin'ny fonao rehetra ve ianao ankehitriny?

²³⁵ Ilay lehilahy mipetraka etsy manao lobaka misy tsipitsipika, miaraka amin'ny hernia, mino ve ianao fa hanasitrana anao Andriamanitra ka hanao anao ho salama? Mino ve ianao fa hanao an'izany Izzy? Tsy mbola nahita an'ilay lehilahy mihitsy aho teo amin'ny fiainako. Manana karatra fangataham-bavaka iray ve ianao, tompoko? [Hoy ilay lehilahy hoe, "Tsia, tsy manana aho."—Mpand.] Tsy manana ianao? Tsy mila anankiray ianao.

"Raha mety mino ianao!"

²³⁶ Mipetraka eto ny vehivavy iray miezaka mijery eo ambonin'io vehivavy mipetraka eto io. Vahiny amiko izy. Saingy tena mikorontan-tsaina izy. Tsy mahafantatra azy aho. Tsy mbola nahita azy mihitsy aho, teo amin'ny fiainako. Fa Andriamanitra no mahafantatra azy, ary fantany izao ankehitriny izao fa mifandray amin'ny Zavatra iray izy. Nivavaka ianao teo ho an'ny antony iray. Ny antony nivavahanao, dia tsy afaka hijanona ela ankoatran'ny androany hariva ianao. Tsy maintsy mandao ny favoriana ianao. Mikasa ny hody any an-tranonao ianao, rahampitso. Tsy avy eto ianao, ary tsy avy eto California ihany koa. Handeha any atsinanana ianao avy eto. Handeha fiaramanidina ianao. Ianao dia nikasa, handeha fiaramanidina. Avy any Oklahoma ianao. Hia. Marina izany.

²³⁷ Ao amin'ny toeram-pahafatesana iray ihany koa ianao. Tonga eto ianao mba hivavahana. Tsy manana karatra fangataham-bavaka iray ianao. Saingy nino ianao fa ho sitrana, raha afaka ho tonga eto fotsiny. Marina izany. Izao koa, ny aretinao dia homamiadana. Ao amin'ny taolana ilay homamiadana. Mino ve ianao fa ho sitrana ankehitriny? Mino ve ianao fa mifandray Aminy ianao, ranabaviko? Hiteny amiko angamba Andriamanitra hoe iza ianao, hanampy anao ve izany amin'izay fotoana izay? Raha izany no izy, dia atsangano ny tñananao raha mino an'izany ianao, hoe (Andriamanitra) hanampy anao izany. Eny àry, Rtoa. Steel, afaka miverina any Oklahoma ianao.

Tsy fantattro ilay ramatoa. Tsy mbola nahita azy mihitsy aho.

²³⁸ Indro misy ramatoa iray mipetraka eto mihitsy aoriany. Mijaly amin'ny varisin'ny lalan-drà izy. Ary manana zanakalahy iray ihany koa izy izay alikaolika, ary mivavaka ho azy izy. Raha hino izy, dia afaka ho sitrana. Rtoa. Mason, hino amin'ny fonao rehetra ve ianao, ary hino fa hanaiky ny fahasitranana ho anao Jesosy Kristy? Hino ve ianao?

²³⁹ Eny àry, noho izany dia apetraho eo amin'io ramatoa mipetraka eo akaikinao eo io ny tñananao, mivavaka ho an'ny

vadiny izay tsy voavonjy izy. Hanaiky ny fanasitranana anie Andriamanitra.

Ndao isika hivavaka.

²⁴⁰ Andriamanitra Malala, mivavaka aho mba Hanekenaو an'izany fitahiana izany ho azy. Omeo an'io vehivavy io ny fanirian'ny fony, Tompo. Tena akaiky Anao ny finoany, nikasika Anao izany. Ary mivavaka aho, Ray, mba Hanampianao azy, amin'ny Anaran'i Jesosy. Amena.

²⁴¹ Minoa amin'ny fonao rehetra ankehitriny, fa mandray an'izany ianao. Hanao an'izany ve ianao? Eny ary. Andriamanitra hitahy ianao.

²⁴² Mino ve ianao fa ho voavonjy ny vadinao, ramatoa? Mino amin'ny fonao rehetra ve ianao? Atsangano ny tànanao, mino ianao.

²⁴³ Toy ny misy, eo anoloako, vehivavy iray izay tena matavy. Mipetraka etsy izy. Mino ahy ho mpanompon'Andriamanitra ve ianao? Mino ahy ho mpanompon'Andriamanitra ve ianao? Mino ianao. Eny ary. Tsy mahafantatra anao aho. Ny aretinao dia, dia ireo glandy. Tafahoatra ny lanjanao. Efa tany amin'ny dokotera iray ianao, ary nilaza izy fa tsy afaka manao na inona na inona mikasika an'izany, saingy dokoteran'ny tany iray izany. Hitanao? Ny... Nanana alahelo betsaka ianao. Nahavery ny vadinao ianao. Tsy avy eto ianao. Avy any Arkansas marina tokoa ianao. Ianao dia eo am-pitadiavana asa, ihany koa, nefy tsy mety mahita asa. Natahotra ianao fa, zavatra iray, tsy ho voaantso ianao. Saingy ny finoanao ankehitriny no nikasika an'Andriamanitra. Ry anabaviko, mandehana, minoa. Andriamanitra anie hanome anao asa iray, hanome anao ny fanirian'ny fonoa.

²⁴⁴ Manaporofo Ny Teniny ho marina Andriamanitra. Mino an'izany ho marina ve ianareo? [Hoy ny fiangonana hoe, "Amena."—Mpand.] Ankehitriny dia tiako hivavaka fotsiny miaraka amiko indray ianareo.

²⁴⁵ Andriamanitra Ray, Ianao no Andriamanitra tsy miova izay nanaporofo. Rehefa hoy Ianao hoe, "Tsy maty ilay zazavavy, matory izy," tamin'izay fotoana izay dia tsy maintsy nanaporofo an'izany Ianao. Ankehitriny, Ianao no nampanantena, fa mialoha indrindra ny fihavian'ny andro farany, dia hanambara ny Tenany ny Zanak'olona amin'ilay fanao iray ihany izay Nataony tany Sodoma. Ianao no nampanantena an'izany, Tompo. Ankehitriny tonga teto an-tany Ianao, tao amin'ny endriky ny Fanahy Masina, ary tonga teto anivonay, izao hariva izao, izahay olona mino, ary nanaporofo an'izany. Nanaporofo Ny Teninao Ianao tahaka ny Nataonao tamin'izany andro izany. Tompo, mila porofo amboniny izahay. Eto anivonay Ianao. Tianay Ianao. Ary fantatray fa izao no famantarana farany alohan'Ny Fihavianao

mihitsy, araka ny Soratra. Ary ny aloka sy ny tandindona rehetra dia tsy diso mihitsy. Tsy maintsy ho pozitifa izy ireo.

²⁴⁶ Noho izany dia mivavaka izahay, Ray, raha tonga ireo Zanakao ankehitriny mba hivavahana, mba ho sitrana ny tsirairay avy. Enga anie tsy hisy olona marary tavela eo anivonay, amin'ny fiafaran'ity asam-panasitranana ity. O Andriamanitra malala, hamela ny Hosotrao ho tena tsara fanahy eo amin'ny Vahoakanao ve Ianao izao ankehitriny izao, ka enga anie ny tsirairay avy amin'izy ireo ho sitrana?

²⁴⁷ Ary raha misy anankiray eto, izay tsy mbola Zanakao, ka eo amin'ny fototr'ireto zavatra ireto, izay... Efa nandre ny Teny izy ireo ka nahita an'ilay zavatra vita, voaporofa ara-bakiteny mihitsy marina tokoa, sy hoe Iza Ianao ary inona Ianao, hoe eto Ianao.

²⁴⁸ Ary, Tompo, Ianao ve—hitahy lainga iray ve Ianao? Nahoana, tsia tokoa, Tompo. Fa Ianao dia nampanantena ny hitahy Ny Teninao, ary tsy hiverina foana Izany. Hanatanteraka an'izay nokendrena Hataony Izany. Ary ankehitriny dia efa Nataonao teto anatrehanay izany, izao hariva izao, any ankoatry ny aloky ny fisalasalana rehetra.

²⁴⁹ Ary miaraka amin'ny lohantsika miondrika, dia misy olona ve eto izay tsy mbola nino mihitsy tany aloha, ka te-hanangana ny tànanareo fotsiny? Miaraka amin'ny lohanareo miondrika, dia atsangano fotsiny ny tànanareo. Ary mitsangàna, ka manaova hoe, "Mino aho ankehitriny, amin'ny foko rehetra. Ary te-hanaiky an'i Jesosy Kristy aho, izao ankehitriny izao." Hanao an'izany ve ianareo, ny olona rehetra, ny olona rehetra izay ato, izay tsy mbola nanaiky an'i Kristy, ka te-hanao an'izany amin'izao fotoana izao? Tsy hiteny aminareo aho... Mandehana any amin'ny fiangonan'ny safidinareo. Fa mangataka aminareo aho mba handray an'i Jesosy Kristy raha mbola ianareo... Tsy hanakaiky Azy intsony angamba ianareo mandra-pahitanareo Azy manokana rehefa tonga ao amin'ny Vatany hita maso avy any An-danitra Izy. Hanaiky Azy ve ianareo raha tsy mbola nanao an'izany ianareo?

²⁵⁰ Mifototra eo amin'ny tsy fahitana olona iray mitsangana eto, dia mino aho arak'izany fa ianareo rehetra dia olona salama, manan-tsaina, ary mahafantatra an'izay ataonareo. Raha mipetraka eto eo ambanin'izany ianareo, dia tsarovy, "Raha menatra Ahy eo anatrehan'ny olona ianareo, dia ho menatra anareo eo anatrehan'Ny Raiko Aho." Nisy olona mitsangana, angamba, eny, tato amin'ny mpanatrika, ery aoriana.

²⁵¹ Andriamanitra Malala, ireo izay mety, tsy hitako, izay mitsangana, te-hanaiky Anao izy ireo. Mahalala izy ireo, Tompo, fa izao dia tsy natao talohan'ity fotoana ity, ary ankehitriny dia Amarinonao izany ary porofoy fa marina izany. Mivavaka

aho, Ray, mba ao am-pon'izy ireo, izay mihetsika hafahafa amin'izao fotoana izao... Ahoana no ahafantaranay raha io no ilay olona farany hiditra? Io no mety ho farany ho an'i Los Angeles. Io no mety ho fanahy farany izay ho teraka ao amin'ny Fanjakana. Tsy fantatray hoe rahoviana no tonga izany fotoana izany. Ary rehefa tonga izany, dia hikatona ny varavarana, ho feno ilay Vatana. Tsy ho Vatana iray tsy tomombana izany na Ampakarina iray tsy tomombana. Hanana mambra marobe izany izay manana ny anarany napetraka teo amin'ny Bokin'ny Fiainan'ny Zanak'ondry talohan'ny fanorenana an'izao tontolo izao, izay nahatongavan'i Jesosy mba halaina, tahaka an'i Adama, nandeha avy hatrany mba hamonjy ny vadiny. Mivavaka aho, Andriamanitra, mba Handraisanao azy ireo ao amin'Ny Fanjakanao ankehitriny. Eo an-Tànanao izy ireo. Karakarao izy ireo, Tompo, mivavaka aho amin'ny Anaran'i Jesosy. Amena.

²⁵² Andriamanitra hitahy ny tsirairay avy aminareo izay nitsangana. Tsy fantatroy fa nitsangana ny sasany taminareo. Nisy sasany nitsangana teny aoriana, ny sasany teny ambony rihana. Ankehitriny dia tiako ianareo hanao zavatra anankiray ho ahy. Aoka hahazo ahy azafady. Mihaonà amin'ny mpitoriteny anankiray eto ka resaho miaraka amin'izy ireo izany, aorian'ny hifaranan'ny fiangonana. Hanao an'izany ve ianareo? Aza avela ho diso izany. Raha tsy mbola natao batisa tamin'ny batisa Kristiana mihitsy ianao, dia ataovy izany amin'ny manaraka, ary avy eo dia mijanòna miaraka amin'ny tånanareo mitsangana mandra-pandraisanareo ny Fanahy Masina.

²⁵³ Ankehitriny, ary olona maro no manana karatra fangataham-bavaka eto. Hangataka azy ireo hitsangana isika, ka hiakatra eto, ary atao ko fa handeha hitety. Sa izaho no tokony ho avy... [Hoy ny lehilahy iray hoe, "Tsia."—Mpand.] Tsy ho haiko ny hanao. ["Avia avy amin'ity ilany eto ity."] Avy amin'ity ilany eto ity, afaka mivoaka amin'ity lèlana ity, eto amin'ity ilany ity, ireo olona izay manana karatra fangataham-bavaka.

²⁵⁴ Ary ankehitriny raha misy aminareo tsy maintsy handeha, izao dia... Tara aho. Miala tsiny aho. Hiezaka ny hanao tsaratsara kely kokoa rahampitso hariva. Amin'ny... amin'ny folo mahery folo minitra izao, araka ny famantaranandro eo amin'ny rindrina. Misaotra anareo betsaka nohon'ny fanatrehanareo izao hariva izao, ary enga anie ilay Andriamaniry ny Lanitra hitahy anareo. Raha te-hijanona ianareo ka handinika an'ilay laharam-bavaka, dia tongasoa foana ianareo. Fa hanomboka hivavaka ho an'ny marary isika ankehitriny, ary tsy te-hitazona anareo aho raha tsy hoe ianareo no te-hijanona. Mirava ianareo amin'ny Anaran'ny Tompo Jesosy. Enga anie ny fiadanan'Andriamanitra homba anareo sy hitahy anareo, ary hanome anareo fitsaharana ao amin'ny vatanareo, mandritry ny alina, ary hanaiky ho

anareo ny fahasalamana tsara mba ahafahanareo miverina indray rahampitso hariva. Homba anareo anie Andriamanitra ankehitriny.

²⁵⁵ Ary aoka ireo izay manana karatra fangataham-bavaka hitsangana ho an'ny vavaka ankehitriny, raha mivavaka ho an'ny olona amin'ny ankabobeny isika. Ankehitriny dia tianay ho fantatrareo, ankehitriny, ianareo izay mitsangana miaraka amin'ny karatra fangataham-bavaka iray, misy fisalasalana iray ve ao amin'ny fiainanareo? Misy ve, miala tsiny aho, fahotana iray ao amin'ny fiainanareo izay tsy mbola niaikenareo? Raha misy, dia mamelà ahy hangataka an'izao aminareo. Aza miditra ao amin'ilay laharam-bavaka miaraka amin'ny fahotana tsy voaiky ao am-ponareo. Satria, ianareo tsy maintsy... Mofon'ireo zanaka izao, hitanareo. Ary raha tsy Kristiana iray ianareo, dia atolory ho an'i Kristy ny fiainanareo, ao amin'ilay laharam-bavaka, avy eo dia avia. Ho an'ny mpino izao. Hataonareo ve izany? Ekeo ho Mpamontjinareo aloha Izzy, ary avy eo dia tongava eto amin'ny lampihazo, mba hivavahana.

²⁵⁶ Ankehitriny dia hivavaka ho an'ny isam-batan'olona tsirairay aho; tsy handalo azy ireo fotsiny, tahaka ny karazana fahazarana iray. Ao anatin'ny fiangonana iray isika ankehitriny. Heveriko fa nanome antsika ny antony ahafahantsika mijanona sy mivavaka Ranabavy Wyatt. [Hoy ny lehilahy iray hoe, “Eny, ny alina manontolo, ela arak’izay tianao.”—Mpand.] Afaka mijanona ela arak’izay tiantsika isika. Ary misaotra andRanabavy Wyatt sy ny mpiasa eto aho, nohon’ny namelany antsika hanao an’izany. Andriamanitra hitahy azy. Efa nitsangana teto amin’ity lampihazo ity ny vadiny mahery fo, nivavaka ho an'ny marary, mandra-pahafatiny, araka ny fantattro, tena miaramilan’ny hazo fijaliana iray mihitsy. Ary ankehitriny dia miezaka manohy manao an'ilay zavatra iray ihany aho, mitso-drano an’ity vahoaka ity.

²⁵⁷ Ary ankehitriny dia mivavaka aho mba ny tsirairay avy aminareo izay ho avy handalo eto... Tsy voatery hiaiky na inona na inona tianareo ianareo. Tsy voatery hilaza zavatra iray tsy mety aminareo ianareo. Tongava fotsiny dia avelao aho hivavaka ho anareo, ary minoa.

²⁵⁸ Mino ve ianareo fa Andriamanitra no naniraka ahy hanao an’izao? Atsangano ny tānanareo. Tsaroanareo ve izay nolazain'ilay Anjelin'ny Tompo? “Raha mitondra ny olona hino anao ianao, ho tso-po rehefa mivavaka, dia tsy hisy na inona na inona hijoro eo anatrehan’ny vavaka.” Ary fantatrareo fa marina izany. Efa voaporofa izany, hatrany sy hatrany.

²⁵⁹ Ankehitriny dia hangataka ny Anabavintsika Rose aho mba, raha sitrany, hitendry hoe, *Minoa Fotsiny*, na, *Ilay Mpitsabo Lehibe Ankehitriny Dia Akaiky*, na zavatra iray.

²⁶⁰ Tiako ny tsirairay avy aminareo ankehitriny ao amin'ny—ao amin'ny fiombonana miaraka amiko. Ianareo ve, ihany koa, ianareo olona izay tsy ao anatin'ny laharam-bavaka, hivavaka ho an'ireto olona ireto ve ianareo? Eny, ampanantenoa an'izany izy ireo, amin'ny alàlan'ny fananganana ny tànanareo hoe, “Hivavaka aho, hitanareo. Hivavaka izahay rehetra.” Eny àry. Hia.

²⁶¹ Ho tiako ianareo mba ho afaka, raha tsy maintsy handeha ianareo, handeha tena moramora mihitsy ankehitriny, mba tsy hanelingelina azy ireo raha mivavaka isika.

²⁶² Mino ve ianao fa hifarana ilay izy ankehitriny, ranabavy? [Hoy ilay anabavy hoe, “Amin’ny foko rehetra.”—Mpand.]

²⁶³ Andriamanitra Malala, mametraka ny tànako eo amin'ny anabavy aho, mihika ny fahorian'ny vatany. Amin'ny Anaran'i Jesosy Kristy, enga anie hiala aminy izany. Amena.

Ho tahiana ianao, ranabavy.

²⁶⁴ Mino amin'ny fonao rehetra ve ianao? Voaaiky ve ny fahotanao rehetra? Ianao dia, araka ny fantatrao, vonona ny handray ny fahasitrananao ve ianao?

²⁶⁵ Andriamanitra Malala, mametraka ny tànako eo amin'ny anabaviko aho, amin'ny Anaran'Ny Zanakao, Jesosy Kristy, ka mangataka mba ho lasa io fahorian'ny vatany io, amin'ny Anaran'i Jesosy. Amena.

²⁶⁶ Voaaiky ve ny fahotana rehetra, ka vonona ho an'ny fahasitrananao ianao? Mino ve ianao, rahalahy? [Hoy ilay rahalahy hoe, “Mino amin’ny foko rehetra aho.”—Mpand.]

²⁶⁷ Andriamanitra Malala, mametraka ny tànako eo amin'ny rahalahiko aho, satria fantatray fa manatrika eto Ianao, Tompo. Mivavaka aho mba Hanasitrananao azy, amin'ny Anaran'i Jesosy Kristy. Amena.

²⁶⁸ Voaaiky ve ny fahotana rehetra? Tsia, tsy mandre ianao. [Miteny miadana sy miavaka tsara Rahalahy Branham noho ilay anabavy marenina—Mpand.] Mino ve ianao fa handre? [Hoy ilay anabavy hoe, “Mino aho. Saingy marenina aho.”] Mino ianao.

Marenina ilay vehivavy ankehitriny. Hivavaka isika eto.

²⁶⁹ Andriamanitra Malala, mivavaka aho mba Hanasitrananao ny anabavinay, ka hanala an'io marenina io hiala aminy. Mipetraka ao anatin'ny tontolo iray mikatona izy, izay tsy ahafahany mandre. Mivavaka aho mba Hanekenao ny fahasitranany, amin'ny alàlan'ny Anaran'i Jesosy.

²⁷⁰ Hangataka ny olona hihazona ny lohanareo hiondrika aho, iray minitra. Te-hahita an'izay nitranga taminy aho. Ankehitriny, azafady, amin'ny Anaran'i Jesosy Kristy, aoka tsy hisy anankiray hampakatra ny lohany na ny masonry.

Ankehitriny, tsy tokony hanao an'izany ianareo mandrapiteniko aminareo.

²⁷¹ Afaka mandre ahy ve ianao ankehitriny? [Hoy izy hoe, "Mikarantsana anankiray." Manapoapoaka ny tànany indray mandeha Rahalahy Branham. "Afaka mandre anao aho."—Mpand.] Mandre ahy? ["Sasany."] Afaka mandre? Afaka mandre izy ankehitriny. [Manapoapoaka indray mandeha indray Rahalahy Branham.] Hitanao? Renao ve izany feo izany?

²⁷² Minoa amin'ny fonao rehetra ankehitriny. Hanao ve ianao? Ary raha mino ianao, dia hanao anao ho salama tanteraka Andriamanitra. Izy no nilaza. Nivavaka fotsiny aho ary nametraka ny tànako teo amin'ny sofify, ka izy no nilaza fa afaka nandre zavatra iray izy. Eny àry, manohiza fotsiny ankehitriny, mino fa handre tanteraka ianao, dia handre ianao.

²⁷³ Voaaiky ve ny fahotana rehetra, ranabavy? [Hoy ilay anabavy hoe, "Eny."—Mpand.] Vonona ho an'ny fahasitrananao ve ianao? ["Eny."]

²⁷⁴ Andriamanitra Malala, mametraka ny tànako eo amin'ny anabaviko aho, mahafantatra fa tsy misy zavatra tsara ao anatinay, ao amin'ny tenanay. Saingy fantatray fa Kristiana izahay, nateraky ny Fanahin'Andriamanitra. Ka mametraka ny tànanay eo amin'ny anabavinay izahay ary mangataka ny fahasitranany, amin'ny Anaran'i Jesosy Kristy. Amena.

²⁷⁵ Mino ve ianao ankehitriny fa ho sitrana? [Hoy ilay anabavy hoe, "Tsara!"—Mpand.] Eny àry, ankehitriny ianao—sitrana ianao. ["Eny!"] Tahaka an'izany no anaovana azy. Marina izany. Marina.

²⁷⁶ Voaaiky ve ny fahotana rehetra? [Hoy ilay anabavy hoe, "Eny, tompoko."—Mpand.] Ary vonona ho an'ny fahasitrananao ve ianao? ["Eny."] Mino ve ianao, amin'ny alàlan'ny fametrahan-tànana, fa Andriamanitra Izay mahafantatra ny fon'ny olona, dia hanao anao ho salama? ["Mino aho."]

²⁷⁷ Rainay any An-danitra, mivavaka aho mba Hanasitrananao ny anabavinay, raha mametraka ny tànanay eo aminy izahay ka mangataka amin'ny Anaran'i Jesosy Kristy mba Hanaovanao azy ho salama. Amena.

²⁷⁸ Manao ahoana ianao? Mazava ho azy, fantatralo fa fantatro izay tsy mety aminao. [Hoy ilay anabavy hoe, "Eny."—Mpand.] Fa tsy milaza an'izany fotsiny aho; satria, fantatralo, izany dia—izany dia hanohy handeha hatrany sy hatrany fotsiny. ["Eny àry."] Fa raha ianao no... Voaaiky ve ny fahotana rehetra? ["Eny, tompoko."] Ary mino ve ianao fa hanao anao ho salama Andriamanitra? ["Eny, tompoko."] Mino ve ianao fa ilay aretin-kozatra... Efa voalazako ilay izy.

²⁷⁹ Andriamanitra Malala, mivavaka aho mba Hanampianao azy ka hanao azy ho salama. Ekeo izany, amin'ny Anaran'i Jesosy.

Tsy handringa ianao. Mandehana, minoa amin'ny fonaor rehetra.

²⁸⁰ Mino ve ianao fa hanao anao ho salama Andriamanitra? [Hoy ilay anabavy hoe, "Amena." —Mpand.] Voaaiky ve ny fahotana rehetra ary vonona ho an'ny fahasitrananao ianao? Mino ve ianao fa ho mety tsara ny lamosiniao?

²⁸¹ Ray any An-danitra Malala, mivavaka aho mba Hanasitrananao azy ka hanao azy ho salama. Amin'ny Anaran'i Jesosy Kristy, ho tanteraka anie izany. Amen.

Andriamanitra hitahy anao, ranabavy. Mandehana, mino ankehitriny.

²⁸² Voaaiky ve ny fahotana rehetra, ranabavy, vonona ho an'ny fahasitrananao ve ianao?

²⁸³ Andriamanitra Malala, ireo fahotany, izy no milaza, dia voaaiky. Mametraka ny tànako eo amin'ity vehivavy ity aho, amin'ny Anaran'i Jesosy Kristy, mangataka ny fahasitranany. Amen.

²⁸⁴ Voaaiky ve ny fahotana rehetra? Tsy maintsy mahitsy ianao, tena marary ianao, fantatrao izany. Fantatrao fa fantatro izay tsy mety aminao. Ary mino ve ianao fa hanao anao ho salama Andriamanitra, hanasitranana ny fonaor ka hanao anao ho salama tanteraka?

²⁸⁵ Andriamanitra Malala, mivavaka aho mba amin'ny Anaran'i Jesosy Kristy, mba Hanasitrananao azy ka hanao azy ho salama. Enga anie hiala aminy izany, Ray, amin'ny Anaran'i Jesosy. Amen.

Andriamanitra hitahy anao ankehitriny. Aza misalasala. Mandehana, mino.

²⁸⁶ Voaaiky ve ny fahotana rehetra? Vonona ho an'ny fahasitranana ve ianao?

²⁸⁷ Ray any An-danitra Malala, mametraka ny tànako eo amin'ny anabavinay aho. Amin'ny Anaran'i Jesosy Kristy, enga anie ho sitrana izy. Amen.

Aza misalasala. Mandehana, mino.

²⁸⁸ Voaaiky ve ny fahotana rehetra, vonona ho an'ny fahasitranana ve ianao?

²⁸⁹ Ray any An-danitra Malala, mivavaka aho mba Hanasitrananao ny rahalahinay, hanao azy ho salama. Ekeo izany, Ray. Mametraka ny tànako eo aminy aho, ho an'izany tanjona izany, amin'ny Anaran'i Jesosy Kristy. Amen.

Andriamanitra hitahy anao. Mino an'izany amin'ny foko rehetra aho.

²⁹⁰ Mino ve ianao ankehitriny, ranabavy? Voaaiky ve ny fahotana rehetra ka vonona ho an'ny fahasitranana ianao?

²⁹¹ Andriamanitra Malala, mameetraka ny tànako eo amin'ny anabavy aho, amin'ny Anaran'i Jesosy Kristy, enga anie izy ho sitrana ho an'ny Voninahitrao. Amena.

²⁹² Ankehitriny dia tahaka an'izany fotsiny matetika, fikasihana iray fotsiny, araka ny nolazain'i Jesosy hoe, "Izao famantarana izao no hanaraka an'ireo izay mino. Raha mameetraka ny tànany eo amin'ny marary izy ireo." Efa nanomboka nahamarika aho, tao amin'ireo fivoriana, fa misy fiantraikany dimampolo isan-jato tsaratsara kokoa izany noho ny ataony rehefa miantso ny olona ao amin'ny laharana ianareo, manao famantarana, satria vitsivitsy fotsiny ihany no azonareo. Fa, amin'izao fanao izao, dia misy betsaka no sitrana.

²⁹³ Efa niaiky ny fahotan'ny tsi-finoanao rehetra sy ny sisa ve ianao? Mino ve ianao ankehitriny fa ho sitrana? [Hoy ilay anabavy hoe, "Eny, ary afaka."—Mpand.]

²⁹⁴ Andriamanitra Malala, mivavaka aho mba Hanasitrananao ny anabavinay raha mandray ny tànany aho ka mangataka ny fahasitranany amin'ny Anaran'i Jesosy Kristy. Amena.

Andriamanitra hitahy anao, ranabavy.

²⁹⁵ Mino ve ianao ankehitriny? [Hoy ilay anabavy hoe, "Eny."—Mpand.] Voaaiky ve ny fahotana rehetra? ["Eny."]

²⁹⁶ Andriamanitra Malala, mameetraka ny tànako eo amin'ny anabavinay aho, amin'ny Anaran'i Jesosy Kristy, ho an'ny fahasitranany. Amena.

Andriamanitra hitahy anao, ranabavy.

Toy ny hoe zavatra tena kely, saingy Andriamanitra No nampanantena an'izany.

²⁹⁷ Voaaiky ve ny fahotana?

²⁹⁸ Andriamanitra Malala, mivavaka aho mba Hanasitrananao an'ity anabavinay ity. Raha mameutra-tànana eo aminy amin'ny Anaran'i Jesosy Kristy aho, dia enga anie izy handeha ka ho salama. Amena.

²⁹⁹ Voaaiky ve ny fahotana?

³⁰⁰ Andriamanitra Malala, mivavaka aho mba Hanasitrananao ny anabavinay, raha mameutra-tànana eo aminy aho, amin'ny Anaran'i Jesosy Kristy. Amena.

³⁰¹ Ankehitriny satria manatona miaraka amin'ny mekanika ianao, dia enga anie izany handòna an'ireo dynamika, handeha hiasa izany.

³⁰² Voaaiky ve ny fahotana? [Mamaly ilay anabavy arak'izany—Mpand.] Vonona ianao.

³⁰³ Andriamanitra Malala, mivavaka aho mba Hanasitrananao azy ka hanao azy ho salama, amin'ny Anaran'i Jesosy Kristy. Amena.

Andriamanitra hitahy anao, ranabavy.

³⁰⁴ Voaaiky ve ny fahotana rehetra? [Hoy ilay anabavy hoe, "Ny zavatra rehetra."—Mpand.]

³⁰⁵ Andriamanitra Malala, satria mijery ahy ao amin'ny maso ity vehivavy ity, dia mino an'izany aho. Mivavaka aho mba Hanasitrananao azy, amin'ny Anaran'i Jesosy.

³⁰⁶ Mitondra azy fotsiny ianao, sa tsy izany, ranabavy? Mitondra azy fotsiny ianao? Eny àry. [Hoy ilay anabavy hoe, "Izy dia jamba, ihany koa."—Mpand.] Mino ve ianao, ranabavy, fa hanao anao ho salama Andriamanitra? [Hoy ilay anabavy jamba hoe, "Mino aho fa afaka manome ahy fahitana indray Andriamanitra."] Andriamanitra hitahy anao.

³⁰⁷ Ray any An-danitra, mamindra fo amin'ny jamba foana Ianao, ary amin'ny manana ilaina. Ankehitriny dia efa nahita izy ireo fa efa nanao an'izany Ianao izao hariva izao. Noho izany dia mino izahay, Tompo, fa io famantarana lehibe farany io dia mihetsika eto anivonay ankehitriny. Mangataka ny fahitan'ity vehivavy jamba ity ho tonga eo aminy aho, amin'ny Anaran'i Jesosy Kristy. Amena.

³⁰⁸ [Izy izay jamba, no manao hoe, "Misaotra Anao, Jesosy."—Mpand.] Ankehitriny, manaovala tatitra aminay. Anaovy tatitra ilay izy. ["Hanao aho!"]

³⁰⁹ [Izy izay nitondra an'ilay anabavy, dia mangataka vavaka—Mpand.] Oh, eny, mino ve ianao fa hanasitrana anao Andriamanitra? ["Haleloia!"]

³¹⁰ Ray any An-danitra Malala mamestraka ny tànako eo amin'ny anabavinay aho ka mangataka mba Hanasitrananao azy, amin'ny Anaran'i Jesosy Kristy. Amena.

³¹¹ Andriamanitra hitahy anao, ranabavy. Mamelà anay handre hoe ahoana ianao—manao ahoana ianao.

³¹² Mino ve ianao, ranabavy? [Hoy ilay anabavy hoe, "Eny, mino aho."—Mpand.]

³¹³ O Ray any An-danitra Malala, mivavaka ho an'ny anabavinay aho, matoky fa hanasitrana azy Ianao ankehitriny. Mamestraka ny tànako eo aminy aho, amin'ny Anaran'i Jesosy Kristy.

Minoa ankehitriny. Marina izany. Mandehana fotsiny, mino.

³¹⁴ Mino ve ianao, rahalahy? [Hoy ilay rahalahy hoe, "Eny."—Mpand.] Voaaiky ve ny fahotana rehetra?

³¹⁵ Andriamanitra Malala, mivavaka aho mba Hanasitrananao ny rahalahinay ka hanao azy ho salama, amin'ny Anaran'i Jesosy Kristy. Amena.

³¹⁶ Mino ve ianao, ranabavy?

³¹⁷ O Andriamanitra, mivavaka aho mba, amin'ny Anaran'i Jesosy Kristy, am-panetre-tena, ao amin'ny fahamoram-panahy sy fahalemem-panahin'ity ora ity, enga anie ny Fanahy Masina hanao an'ity vehivavy ity ho salama. [Hoy ilay anabavy hoe, "Ary mivavaka aho, mivavaha ho an'ny zanakolahy. Efa roapolotona no tsy nahitako azy"—Mpand.] Mivavaka aho mba handefasan'Andriamanitra aminao ny zanakao lahy, ranabavy, malala. Andriamanitra hitahy anao.

³¹⁸ Ray Malala, mivavaka ho an'ny anabavinay eto aho. Ao amin'ny fahamoram-panahin'ny Fanahy Masina, enga anie ho avy Izy ankehitriny ka hanasitrana ny anabavinay, amin'ny Anaran'i Jesosy. Amena.

Ho tahiana ianao, ranabavy.

³¹⁹ Andriamanitra Malala, mivavaka ho an'ny rahalahiko aho, raha mitsangana eto izy ka mametra-tànanana eo aminy aho, ary mangataka ny fahasitranany, amin'ny Anaran'i Jesosy.

³²⁰ Ho tahiana ianao, ry rahalahiko. [Hoy ilay rahalahy hoe, "Andriamanitra hitahy anao."—Mpand.] Eny àry.

Ilay zazalahy kely ve?

³²¹ Andriamanitra Malala, eo am-pametrahan-tànanana eo amin'ilay anankiray kely, dia mitso-drano azy amin'ny Anaran'i Jesosy Kristy aho, ho an'ny fahasitranany.

³²² Mino ve ianao ankehitriny, ranabavy? [Hoy ilay anabavy hoe, "Eny."—Mpand.] Te-hivavahana ihany koa ve ianao?

³²³ Andriamanitra Malala, mivavaka ho azy aho, raha mametra-tànanana eo aminy. Ankehitriny, izao no Fanirahanao, izao no Nolazainao hatao hoe, "Izao famantarana izao no hanaraka an'ireo izay mino. Raha mametraka ny tànany eo amin'ny marary izy ireo, dia ho sitrana ireny." Ianao no nilaza an'izany, Tompo. Amena.

Ankehitriny, Izy no nilaza an'izany, sa tsy Izy? Tsy maintsy tahaka an'izany ilay izy, ranabavy.

³²⁴ Andriamanitra Malala, mivavaka aho mba Hanasitrananao ny anabavinay ka hanao azy ho salama, amin'ny Anaran'i Jesosy Kristy. Amena. Andriamanitra hitahy anao, ranabavy.

³²⁵ Tonga am-pinoana ve ianao, ranabavy?

³²⁶ Ray any An-danitra Malala, mangataka ny Fitahianao ho eo amin'ny anabavinay aho, mankatò fotsiny an'izay Nolazainao hatao. Hoy Ianao hoe, "Izao famantarana izao no hanaraka an'ireo izay mino. Raha mametraka ny tànany eo amin'ny marary izy ireo," hoy Ianao, "dia ho sitrana ireny."

³²⁷ Afaka mijanona eto vetivety fotsiny ve aho, mba hilaza eo amin'izany, mba hamela ny olona hiala sasatra vetivety, vetivety fotsiny. Nilaza ny mpitsikera iray, tamiko, fa tsy tahaka an'izao

ilay izy. Fa, hitanareo, hoy Izy hoe, “Izao famantarana izao no hanaraka.”

³²⁸ Efa nandre ny Hafatro ianareo teo amin’*Ny Raharaha-m-pitsarana*, nametraka an’i Jesosy teo amin’ny raharaha-m-pitsarana. Hitanareo, niteny tamin’i Noa Izy hoe, “Ho avy ny orana.” Tsy mbola nanorana ny andro nandritry ny roapolo amby zato taona, saingy nanorana ny andro na ahoana na ahoana. Niteny tamin’i Abrahama Izy fa hanana zanakalahy iray avy amin’i Saraha izy. Dimy amby roapolo taona taty aoriania izany. Tsy nilaza mihitsy Izy hoe rahoviana. Nilaza Izy fa hahazo an’ilay zanakalahy izy. Dimy amby roapolo taona taty aoriania, dia nitranga izany. Hitanareo, tsy nilaza Izy hoe rahoviana.

³²⁹ Hoy Izy hoe, “Ny vavaky ny finoana no hamonjy an’ilay marary. Andriamanitra no hanangana azy ireo. Raha mametratànana eo amin’ny marary izy ireo, dia ho sitrana ireny.” Izany ve no Nolazainy? [Hoy ny fiangonana hoe, “Amena.”—Mpand.] Tsy nilaza Izy hoe hitsambikina izy ireo ka hanao an’izany eo no ho eo. Hoy Izy hoe, “Ho sitrana ireny.” Hitanareo, izany no Fampantanantenany. Izany no inoantsika.

³³⁰ Avia, ranabavy. Mino an’izany ho marina ve ianao? [Hoy ilay anabavy hoe, “Eny, mino aho.”—Mpand.] Noho izany dia tsy misy fomba hisakana anao tsy ho sitrana.

³³¹ Mametraka ny tònako eo amin’ny anabavy aho, amin’ny Anaran’i Jesosy Kristy, ho an’ny fahasitranany. Amen.

³³² Mino ve ianao, ranabavy? [Hoy ilay anabavy hoe, “Eny.”—Mpand.] Voaaiky ve ny fahotana rehetra, ka vonona?

³³³ Andriamanitra Malala, mametraka ny tònako eo amin’ny anabavy aho, amin’ny fankatoavana ny Didinao, ka mangataka ny fahasitranany, amin’ny Anaran’i Jesosy. Amen.

³³⁴ Tiako ianareo izay nivavahana, tiako ianareo hanao soa iray ho ahy. Tiako ianareo hanao tatitra, alohan’ny hifaranan’ireto fivoriana ireto, an’izay mitranga; ka hamela ny mpanatrika fotsiny, ireo olona hafa, hahita an’izay miseho marina tokoa. Angamba rahampitso, ny andro manaraka, na rahoviana, diniho fotsiny izay miseho.

³³⁵ Ny taratasiko no naneho fa ilay izy—ilay izy dia hafa betsaka noho ny mamela fotsiny azy ireo hanandrana, hitsapa ny finoany manokana. Satria, hoy Jesosy hoe, “Mametra-tànana eo aminy izy ireo. Mametra-tànana eo aminy izy ireo, dia ho sitrana izy ireny.” Ankehitriny dia raiso izay Nolazainy. Tsy nilaza Izy hoe hitsambikina sy hihazakazaka mandroso-sy-miverina eo amin’ny gorodona izy ireo. Afaka manao an’izany izy ireo. Fa hoy Izy hoe, “Ho sitrana izy ireo.” Izany ve no Nolazainy? Izany no Nolazainy. Izany no inoako. Ary eto Izy ankehitriny, ilay Anankiray izay nilaza fa eto ny Teny mba hanao an’izany ho marina.

³³⁶ Mino ve ianao, tompoko? [Hoy ilay rahalahy hoe, “Amena.”—Mpand.]

³³⁷ Ray any An-danitra Malala, eo ambonin’ny fiaiken’ny finoany ary mino, dia mametraka ny tànako eo aminy aho, amin’ny Anaran’i Jesosy Kristy, ho an’ny fahasitranany.

³³⁸ Andriamanitra Malala, mametraka ny tànako eo amin’ity vehivavy ity aho, amin’ny Anaran’i Jesosy Kristy, ho an’ny fahasitranany. Eny àry.

³³⁹ Ray Malala, mametraka ny tànako eo amin’ity vehivavy ity aho, amin’ny Anaran’i Jesosy Kristy, ho an’ny fahasitranany. Hoy Ianao hoe, “Ho sitrana izy.”

³⁴⁰ Vonona ho an’ny fahasitranana ve, ranabavy?

³⁴¹ Andriamanitra Malala, mametraka ny tànako eo aminy aho, amin’ny Anaran’i Jesosy Kristy, mba Hanasitrananao azy.

³⁴² Eny àry, ranabavy, malala, vonona ho an’ny fahasitranana ve ny zavatra rehetra? Efa tanteraka ve ny finoanao ankehitriny, mino ve ianao fa ho salama?

³⁴³ Ary, Andriamanitra, mametraka ny tànako eo aminy aho, amin’ny fankatoavana ny Didinao hoe, “Any amin’izao tontolo rehetra izao, ny olombelona rehetra.” Mametraka ny tànako eo aminy aho, amin’ny Anaran’i Jesosy, ho an’ny fahasitranany.

³⁴⁴ Andriamanitra Malala, mametraka ny tànako eo amin’ny rahalahiko aho, amin’ny Anaran’i Jesosy Kristy, ho an’ny fahasitranany.

³⁴⁵ Andriamanitra Malala, mametraka ny tànako eo amin’ny anabaviko aho, amin’ny Anaran’i Jesosy Kristy, ho an’ny fahasitranany.

³⁴⁶ [Elanelana tsy voaraki-peo—Mpand.] . . . midina eo amin’ny lâlantsara. Tsy te-handreraka anao fotsiny aho. Ho mety tsara ianao raha hino an’izany ankehitriny.

³⁴⁷ Andriamanitra Malala, mivavaka aho mba Hanasitrananao ny anabaviko, amin’ny Anaran’i Jesosy Kristy. Amená.

³⁴⁸ [Elanelana tsy voaraki-peo—Mpand.] . . . mba hanampy ahy hivavaka ho an’ireto olona ireto.

³⁴⁹ Ankehitriny dia manana mosara vitsivitsy isika eto, sy ny sisa, ato, mba hivavahana. Ary tiako ianareo hanohy hivavaka miaraka amiko ankehitriny, ankehitriny, ireto fonosana kely ireto, ankehitriny. Fantatro fa toa tena hafahafa amin’ny olona izao mivavaka eo amin’ny zavatra kely tahaka an’izao. Fa raha afaka hiditra ao amin’ny biraoko fotsiny ianareo, indray mandeha, dia diniho fotsiny. Raha nitahiry an’ireo fijoroana vavolombelona nandritr’ireo taona izahay, dia ataoko fa tsy afaka hanao antontany eo amin’ity lampihazo ity ianareo, izay efa sitrana tamin’ny alâlan’ny fandefasana an’ireto lamba fungataham-bavaka tahaka an’izao ireto fotsiny, an-tapitrisany

amin'izy ireo, manodidina sy manodidina an'izao tontolo izao. Ankehitriny, fantatralero ve hoe inona—inona izany?

³⁵⁰ Aoka hisy olona anankiray haka an'ilay mosara eo ho an'io—io tanora . . . Ho fantatralo ny mosaranao, sa tsy izany, rahalahy? Eny àry.

³⁵¹ Ary efa nahita ankizy kely, nandringa sitrana aho. Ary hitanareo, inona izany, toeram-pifandraisana iray fotsiny izany, araka ny lazain'i Oral Roberts fahiny. Toeram-pifandraisana iray fotsiny izany. Mivavaka isika. Ankehitriny, tsy manao an'izao amin'ny tenantsika isika, manao an'izao isika nohon'ny fanirahan'ny Baiboly antsika mba hanao an'izao. Fantatsika rehetra fa marina izany.

³⁵² Ankehitriny, misy olona maro izay manosotra mosara, sy ny sisa. Eny, ankehitriny, mihevitra isika fa mety tsara izany, azo antoka, saingy raha isika fotsiny . . . Tsy milaza ny Baiboly fa izy ireo dia "nanosotra" mosara.

³⁵³ "Fa nalain'izy ireo avy tamin'ny vatan'i Paoly ireo mosara." Ankehitriny hitanareo ve izay noresahako? Ankehitriny, ny hitan'izy ireo, io hery mamelobelona izay tao amin'i Paoly io, hoe fantatr'izy ireo fa mpanompon'Andriamanitra izy. Fantatr'izy ireo fa Andriamanitra no tao aminy. Fantatr'izy ireo fa ny zavatra rehetra izay nokasihany dia voatahy. Firy no mahazo an'izany? Manaova hoe, "Amena." [Hoy ny fiangonana hoe, "Amena."—Mpand.]

³⁵⁴ Fantatralero, heveriko fa tena ara-tSoratra mihitsy i Paoly tao amin'izay nataony. Tsy mihevitra tahaka an'izany ve ianareo? Tianareo ve ny hitenenako aminareo hoe aiza no heveriko fa nahazoany an'ilay hevitra nanaovana an'izany? [Hoy ny olona iray hoe, "Avy tamin'ny Elisa."—Mpand.] Avy tamin'ny Elisa, marina izany. Hitanareo, hoy i Elia hoe, "Ento ity tehina ity ka mandehana apetraho eo amin'ilay zazakely izany." Ary nandefa an'ilay tehina ny mpaminany satria fantany fa ny zavatra rehetra izay nokasihany dia voatahy. Fantany ny toerany. Izy . . . raha afaka nahazo an'ilay vehivavy hino an'ilay zavatra iray ihany fotsiny izy.

³⁵⁵ Ankehitriny hitanareo, ankehitriny, tsy nilaza mihitsy akory aza ny Baiboly hoe, "Hivavaka ho an'ny marary izy ireo." Izao no voalaza hoe, "Hametra-tàmana eo amin'ny marary izy ireo."

³⁵⁶ Eritrereto fotsiny ankehitriny, ny olona dia nahita, tao amin'ny apostoly Petera, ny Fanatrehan'Andriamanitra voaseho tao amin'io lehilahy io, hany izy ireo ka—nametraka ny olona tao amin'ny alony mihitsy aza izy ireo, ka sitrana izy ireo. Firy no mahafantatra fa ara-tSoratra izany? [Hoy ny fiangonana hoe, "Amena."—Mpand.] Tena Soratra tahaka ny Jaona 3:16 mihitsy izany. Hitanareo, Tenin'Andriamanitra Izany rehetra izany. Ankehitriny, ireo olona, fantatralero fa tsy ny alok'io lehilahy io no nanasitrana ny olona.

³⁵⁷ Fa, jereo, raha ny herin'Andriamanitra no teo amin'io mpaminany io, nandritry ny taona sy taona taorian'ny nahafatesany, hany ka lehilahy maty iray no natsipy teo ambonin'ny vatany, ireo taolany. Tsy teo akory aza ilay vatana; ireo taolana no teo. Ary teo ambonin'ireo taolana ireo ny Fanatrehan'Andriamanitra, hany ka tonga tamin'ny fiainana ilay lehilahy maty.

³⁵⁸ Tsy fantatrareo ve ankehitriny fa io Andriamanitra iray io ihany izay nanao an'ireo zavatra rehetra ireo dia eto mihitsy izao hariva izao? Ho—ho ahy, heveriko fa isika no tokony ho vahoaka sambatra indrindra eto amin'izao tontolo rehetra izao. Eritrereto fotsiny izany.

³⁵⁹ Izaho—manantena aho fa tsy mampiaiky ny mpanatriko hino fa zavatra izay ataoko amin'ny alàlan'ny tenako izao. Ianareo—mahafantatra tsaratsara kokoa noho izany ianareo. Izaho, rahalahinareo aho, hitanareo, ary rahalahinareo fotsiny aho.

³⁶⁰ Saingy tena fantatro, tena fantatro izao, hoe eto Andriamanitra. Ary fantatro fa nanome zavatra iray ho antsika Izy, ka tsy azontsika hazavaina izany, amin'ny alàlan'ny Tenin'Andriamanitra irery ihany, izay manambara fa tokony ho eto izany amin'ity fotoana ity. Noho izany, manome antsika fanondroana koa izany hahafantatra fa miaina ao amin'ny andro farany isika. Manome antsika fanondroana izany hahafantatra fa ity vahoaka ity, itynofidiana ity, voafidy, nantsoina hivoaka, voafidy mialoha . . .

³⁶¹ Ankehitriny, teny goavana iray izany, *mifidy mialoha*, saingy isika rehetra dia mahafantatra fa izany no fahamarinana. Fantatsika tanteraka tokoa fa ilay Andriamanitra tsy manam-petra dia nifidy mialoha ny zavatra rehetra tamin'ny alàlan'ny fahalalana mialoha talohan'ny fanorenana an'izao tontolo izao, na dia ny Zanak'ondry izay voavono aza; ary ny anarana tsirairay izay hany ho eo amin'ilay Boky, dia napetraka teo amin'ilay Boky talohan'ny hany nanoratana an'ilay Boky. Ankehitriny firy no mahafantatra fa marina izany? [Hoy ny fiangonana hoe, "Amena."—Mpand.]

³⁶² Ary tonga Jesosy mba—mba hanavotra an'ireo izay tao anatin'ilay Boky. Ao amin'ny Baiboly, dia tonga avy tao ambadiky ny lamban'efitra ilay Zanak'ondry, ka nandray ny Boky ary nanokatra an'ireo Tombokase izay nanisiana tombokase Azy, satria tonga mba hitaky ny rehetra izay Navotany Izy. Izy no Mpanelanelana ankehitriny, Mpanelanelana iray manao fananelanelanana ho an'ireo izay Navotany. Ireo nanana ny anarany voasoratra eo amin'ny Bokin'ny Fiainan'ny Zanak'ondry, dia navotana.

³⁶³ Araka ny nanaovako fanambarana mafy kely indray hariva . . . Miandry aho an'ireo . . . ireto mosara rehetra eto ireto. Tsy hanandrana history teny mihitsy indray aho, fa nilaza aho

fa nisy fanambarana kely... Manantena aho fa tsy toy ny manevateva ity, hitanareo. Fa tahaka an'ilay mpiompy izay nampikotrika an'ilay akohovavy, nef a tsy nanana atody ampy, noho izany dia naka atodim-boromahery iray izy, ary napetrany teo ambanin'ilay akohovavy izany ka nafoy voromahery iray izy. Ary vorona iray tena mahatsikaiky izy teo anivon'ireo akohokely rehetra, satria tsy nahita zavatra tahaka an'izany izy ireo. Fa ny hany hitany, dia akohovavy iray. Nandre feo anankiray fotsiny izy, toa tsy nitovy tamin'ny feony ilay izy. Tsy afaka nanao feo iray tahaka ny akohovavy na ireo akohokely koa anefa izy. Tsy nankasitraka ny sakafo mahazatran'izy ireo izy, satria nihinana avy teo amin'ilay tranom-biby izy ireo. Nisy zavatra hafa mikasika azy, kanefa tsy fantany hoe inona ilay fahasamihafana.

³⁶⁴ Ary noho izany indray andro, dia nisy renim-boromahery tany izay nahafantatra fa nametraka atody marobe izy. Ary nisy anankiray tamin'ireo atody ireo, izay tokony ho zananilahy, tsy teo. Noho izany dia lasa izy nikaroka azy, ary hitany tao anatin'ilay tranom-biby izy. Dia nihiakiaka izy. Ary rehefa nihiakiaka izy, dia nahafantatra ny feon'ny reny ilay voromahery kely. Araka ny nolazain'i Jesosy hoe, "Ny Ondriko mahafantatra Ny Feoko."

³⁶⁵ Heveriko, omaly hariva, rehefa nahita an'io ekipan'ny Batista, Presbyterana, sy inona koa aho, mety efa nivoaka avy tao ambanin'ny akohovavy iray izy ireo. Miala tsiny aho, rahalahy, hitanareo. Fa efa fantatr'i Neny fa nanana an'ireo Malalany Izy tany ho any. Noho izany ireo lehilahy mitsangana eo ireo, tsy mifamaly amin'ny sakafo izay azon'izy ireo avy tamin'ilay renin'akohovavy, sy ny sisa, fa voromahery izy ireo ankehitriny, hitanareo, manidina ho an'ny sakafony izy ireo. Hitanareo?

³⁶⁶ Ary heveriko fa ny fiangonana dia zavatra iray mitovy amin'ny sehatra iray izay hitako vao tsy ela akory izay, niverina avy tany Tucson, na avy tany—tany Phoenix, nandeha nankany Tucson. Nahita fahitana iray nahagaga aho. Ary somary nanimba ny foko ilay izy, ny nahita an'izay niseho, ahoana... papango iray, izay nanidina teny amin'ny habakabaka fahiny, rahalahy iray ho an'ny voromahery, izay tandindona iray an'ny fiangonana.

³⁶⁷ Ary Jehovah no Voromahery. Niantso an'ireo Mpaminaniny Izy hoe "voromahery." Niantso ny Tenany Izy, Jehovah hoe, "Voromahery."

³⁶⁸ Fa ity papango ity dia efa nahavery ela ny fanondroany, satria tsy misosa manerana ny habakabaka intsony izy ka mihaza ny sakafony tahaka ny nasaina nataony. Fa mipetraka eo ambonin'ireo taribin'ny telefona izy ka mihetsika tahaka ny mpitsindroka iray. Izy—mihaza bitro maty izay novonoin'ireo fiara izy, ary mivoaka eo izy sy ireo volotora ka miaraka

mihinana. Mitsambikina tahaka ny volotora iray izy, raha tokony handeha tahaka ny tokony handehanany. Veriny ny fanondroany.

³⁶⁹ Ary milaza an'izao amin'ny fitiavana masina sy fanajana aho, efa nahavery ela ny fanondroany amin'ny maha-voromahery rahavavy iray ny fiangonana. Mipetraka eo izy. Raha tokony hangady ao amin'ny Teny ka mahita raha marina ireo zavatra ireo, dia miandry andiana literatioran'ny sekoly Alahady izy izay namboarin'ny andiana manam-pahaizana tany ho any, bitro maty iray izay novonoina tany an-kafa tany ho any. Mitsambikina tahaka ny volotora iray! Hanampy antsika anie Andriamanitra mba hanidina hiala lavitra an'izany.

³⁷⁰ Marina ireo teny fikasana ireo. Tsy izay nolazain'ny olona iray mikasika an'Izany, fa izay nolazain'Andriamanitra mikasika azy ireo! Marina izy ireo. Tena faly aho ny tafakambana amin'ireo voromahery.

Ndaorisa hiara-hivavaka ho an'ireo olontsika marary.

³⁷¹ Ray any An-danitra Malala, nampianarina ao amin'ny Baiboly fa nalain'izy ireo avy teo amin'ny vatan'i Paoly, ireo mosara sy aron'akanjo, ka nivoaka avy tamin'ny olona ireo demony, ary niala taminy ireo fanahy maloto. Ankehitriny, Ray, mitsangana eto amin'ireto mosara ireto aho, misolo tena ny olona tsirairay izay manatrika. Izany no Vatan'i Kristy, izahay miaraka. Manambara izahay, nohon'ny fahasoavana sy ny fitiavana, fa eto izahay mba hisolo tena Ny Ampakariny, ary mino, mikambana Aminy ao amin'Ny Fanjakany. Ary fantatray fa tsy i Masindahy Paoly izahay, saingy fantatray fa mbola Jesosy foana Ianao.

³⁷² Ary mivavaka izahay mba Hanajanao ny finoan'ireto olona ireto. Raha velona izy ireo tamin'ny andron'i Paoly, dia ho nandre an'ity Filazantsara iray ity ihany izy ireo, nahita an'ireto zavatra iray ireto ihany. Noho izany, izy ireo no ilay karazan'olona iray ihany. Ianao no ilay Andriamanitra tsy miova. Noho izany dia mivavaka aho, Andriamanitra Malala, mba Hanajanao ny finoan'izy ireo, tahaka ny Nanaovanao an'ireo tamin'ny andron'ny Baiboly. Ary enga anie ny herindenemony rehetra, ny aretina rehetra, ny fahoriania rehetra, izay namatotra an'ireo olona izay soloir'ireto mosara sy fonosana eto ireto tena, enga anie hiala amin'izy ireo io hery ratsin'ny aretina io.

³⁷³ Izao no voalaza, indray mandeha, hoe nandeha tao amin'ny laharan'andraikitra ny Isiraely, hankany amin'ny tany nampanantenaina iray. Ary tao amin'ilay laharan'andraikitra mihitsy, dia tonga ny fahavaloka ka nanery azy ireo tao amin'ny zorony iray, ary nisakana azy ireo teo amin'ilay laharan'andraikitra ny Ranomasina Mena, ary tao amin'ny dian'izy ireo. Dia njery nidina avy tany an-danitra

Andriamanitra, tamin'ny alàlan'ny Andry Afo, ka natahotra ilay ranomasina. Nangorona ny onjany niverina izy, satria ireo onjan'Andriamanitra dia tany amin'ny fanambanin'ny ranomasina. Ary nanao làlana ho an'ireo Zanany Izany, nandeha tao amin'ny laharan'ny fankatoavana.

³⁷⁴ Ankehitriny, Andriamanitra, raha natahotra ny Ranomasina Mena, ka nangorona ny onjany niverina, nangorona ny ranony niverina, ary nanome toerana ho an'ireo zanaka nanao dia nandeha tao amin'ny fankatoavana; Andriamanitra Malala, izao hariva izao, dia mijere ambany amin'ny alalan'ny Ràn'Ny Zanakao, Jesosy, Izay nanao ny teny fikasana. Ka rehefa apetraka eo amin'ireo vatan'ny olona marary ireto mosara ireto, dia enga anie hijery ireo mason'Andriamanitra, ka enga anie io aretina io, io devoly io, hatahotra ka hiala. Ary enga anie hanohy ny dia mankany amin'ilay Tany nampanantenaina ny olona, miaraka amin'ny fahasalamana sy tanjaka tsara. Tahaka ny Isiraely nandeha nanerana ny an-efitra, dia tsy nisy olona anankiray nalemy teo anivon'izy ireo, teo amin'ilay ilany hafa. Enga anie ho ekena ho an'ireto olona ireto izany, Ray, satria mandefa an'ireto mosara ireto izahay, amin'ny Anaran'i Jesosy Kristy. Amena.

³⁷⁵ Andriamanitra hitahy anareo, ny tsirairay avy. Raha maka ny mosaranareo ianareo ankehitriny, dia minoa amin'ny fonareo rehetra. Mino ve ianareo fa mandre an'izany Andriamanitra? [Hoy ny fiangonana hoe, “Amena.”—Mpand.] Hitanareo? Izaho—tiako ny hilaza an'izao. Aza, aza misalasala, na kely aza. Hitanareo, mety ho tena hafahafa ilay izy. Miala tsiny aho, iray minitra fotsiny. Aza misalasala, na kely aza. Fa minoa ankehitriny fa, izay nangatahantsika, dia omen'Andriamanitra.

³⁷⁶ Mino ve ianareo fa eto Andriamanitra, mahafantatra ny tsiambaratelon'ny fonareo? Fantatrareo sy inoanareo ve fa Andriamanitra izany? [Hoy ny fiangonana hoe, “Amena.”—Mpand.] Ankehitriny dia alamino fotsiny ny sainareo ankehitriny, tsy mety ho zavatra hafa izany. Hitanareo?

³⁷⁷ Ankehitriny, ahoana moa raha hisy ampitso lehibe anankiray, taona maro any aorianana dia ho tantara izao. Ary rehefa ny olona, amin'ireo taona izay ho avy, raha nisy ny tahaka an'izany, dia ho avy izy ireo ka hanao hoe, “Eny, raha velona aho tamin'izany fotoana izany, dia ho nahita an'izany natao aho, ry tovolahy, izay ihany no tokony ho fantattro. Ho nino an'izany teo no ho eo aho!” Hitanareo, ilay zavatra iray ihany izay inoanareo, raha efa tany aorianana tany ianareo tamin'ny Nanaovany an'izany tamin'izany fotoana izany! Tsarovy, mbola Izzy foana izany. Izany No Fiainany ao anatinareo. Andriamanitra hitahy anareo. 

MANAPOROFO NY TENINY MAG65-0426
(Proving His Word)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alatsinainy hariva, 26 Aprily, 1965, ho an'ny fivoran'ny Full Gospel Business Men's Fellowship International tao amin'ny Embassy Hotel ao Los Angeles, California, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org